



壹齋集卷六

古今體詩四十七首

盡丁未一年

將之杭州留別子卿

京塵滿面賦歸與歲尾年頭兩月餘鑪火尚宜煨骨拙谿帆又欲挂籬籬相看東郭履穿未此去西湖水漲初與爾十年更五別一番執手一愁余

猶記寒廳上學時書聲朗朗誦風詩那知小友聞名早也似狂夫見事遲席帽柴車甘共笑江雲燕樹苦相思得歸聊作亾羊補形影從無三日離

迎風送雨負游春門飲辛盤日日新嬾讓花開慚鐵佛聞鐵佛寺梅花

已大醉辭杯滿學金人車公在座皆知樂吳質長愁豈為貧何

壹齋集卷六

日閉關無一事四時文酒鎮相親

宿高淳

古寺鐘魚動長橋烟水昏溪流平似砥縣小靜于邨澹日月全缺微黃柳半髡來朝風定起今夜被奇温

自溧陽至杭州溪行雜詩

柳色近邨綠山光隔縣青帆收橋又到船穩鵝稍停破悶添茶椀療飢注食經推篷無可望坐睡羨奴星

野水匯成蕩綠林多寄居善偷何礙禮貧愜忍來怯夜渡不驚犬晨炊且飯魚此時劃雙槳快勝策疲驢


偈仄得彎跚中宵醒更眠洞窗蟾影活搖寢聲圓易觸打頭屋難窺處窺天何因空四大隨分好安禪

宛轉過墟落蒼黃鬱菜畦蛙如老人咳羊作小兒唬霧斂煙鬣

當塗

黃鐵

左田



聳風寒日脚低把杯功課了一任醉鄉迷

小市人家靜炊烟曉未齊絕無茅蓋屋多種菜緣隄獵獵風樓
竹鱗鱗水畫谿漁人剛布網農戶已撈泥

繫纜到無錫擬囊幸有錢急酤卮店酒逸品惠山泉春帖門無
字斜陽市鎖烟糧艘忽東下鄰舫盡譁然

吳閶風景異目力倦還勞穿巷河流曲闕城橋洞高雲窗軟語
賦畫舫俊游豪木石由來慣難堪市井囂

女桑葉猶孕幼竹筍初生吳越難分界耕漁總有情牛蹏曉曉
露人面上春晴卽事游懷暢撩予詩句清

密印當年寺新詩寄石湖瓦殘無復絳鎮古尚名烏八面津亭
矗三叉谿路紆微聞舟子說七縣此分途

買魚過璉市晚飯對含山孤塢松將出浮雲風約還熟諳千里
道飽味六時閒明日杭城外扁舟定可灣

壹齋集卷六
二
經曹娥廟作歌

東山山色修蛾橫舜江江水玻璃清曹娥鐵面作鏡面載我一
葉鴻毛輕夕陽艤櫂崇祠下幼婦碑沈已重寫婉孌雙娥麗書

龕陰森老檜寒鴛瓦宋有朱娥明有諸娥皆配食事具紹興當
府志墓前有雙檜亭榜爲宋張卽之書當年伍相樂婆娑忍使貞魂殉白波試較鞭屍負屍事相看忠孝

兩如何

七里瀨

篷窗圍錦屏我身入圖畫心豁開新扇目瞬昧舊界江盤玉循
環山互黛畫卦行愁溪路窮坐覺天宇隘富湯曉纜維釣臺午
帆挂節企巖陵高隱甲方干介朱鳥歌者誰蒼山哭幾壞塵顏
媿勝游肅望早心拜踐苔足恐污劊石壁虞疥舒舒波鱗皺齒

齒石類斷藏禽韻深蒼潛脩鏡清快宿柔尙有戀啖炙得無噉
結茨想巖幽科頭忘日曬

巖州

搶影玲岬久候迎危灘上上費肩撐三條水到城根會五色石
填江底平歛浦峯巒遙在望睦州形勝古多爭乘流忽發懷鄉
思何日蓮花頂上行

五月三日巖州口號寄葛冬邨

應邨

夜半驚雷繞屋鳴萬山齊瀉玉琤琤朝來忽憶涼篷子

名船打槳

中流聽雨聲

甲辰重午與冬邨子
卿泛涼篷子觀競渡

讀騷飲酒懷名士紅莧銀鱗味故鄉屈指三年行萬里丁江溢

水幾回腸

去年客永年
唐明府署

滿眼雲山不可游寒添半臂似初秋遙知穀皺蘭谿水又伴星

槎上婺州

舟中望金華山

壹齋集卷六

三

淮南拔宅元荒唐離奇更有唐公房洗腸滌胃到腐鼠何獨聳
水空留鄉劉綱夫婦共證道升樹梯雲婦應笑母逐子笞者爲
誰不食靈丹老可悲神仙難得唯兄弟三茅句曲參同契世上
荆花樹半枯誰見天葩鄂棠棣吾家初平善牧羊金華洞口巨
勝香卅年不歸阿兄怪踏石尋上黃茆岡雲中握手喜且語歎
癡紛紛遽如許豁然大笑悟前緣雙鶴一舉冲寥天丹爐藥竈
渺何所洞天深祕三千年濕雲苦霧飛不起想像瓊瑤雲霧裏
高會他年宴幔亭應憶人間有孫子插天忽露青芙蓉玉壺縹
緲金盆通還丹凡骨不可換仙山徒飽雙青瞳江深灘沒客搖
艣東風又灑神靈雨仙之人兮不可望如此勞勞究何補駭予

亦是亾羊人有兄未老斑鬢新寒衣飢食且遂願餐霞絕粒姑
毋論

松鼠用東坡竹飀韻

圓陰落雙柏庭覆百石益蒼鼠竄高枝捷若鳥釋網美樅目未
經騰擲矜健爽晝出宵不藏服翼爲足髮墮拔蒼龍髯緣視稚
子子城上多竹尚有筍辱五大夫名肇錫夫何枉松肪亦仙餐安得令
汝饗我欲縱兒童玩之於股掌

金華試院宋六碑歌

并序

金華試院宋保甯軍治也聽事後有堂五楹榜曰宋自
公堂明神宗時御史黃安周家棟書曰宋自公者大觀
四年知州詹適重建所易名舊實爲野聲亭也元卽州
治置廉訪司又改自公爲一公周則仍書宋名也堂後

壺齋集卷六

四

屋七架亦宋眾樂堂遺址政和間知州呂淙建而名今
爲學使者燕寢矣庭有雙柏相傳亦宋植當柏之陰自
公堂之後壁東西有碑各三一題名記楷書慶歷六年
領郡事關詠立石始大平興國三年閻象以殿中丞知
訖宣和三年楊應誠以武功大夫兩浙路提點刑獄公
事權知前後七十七人自慶歷八年陸廣以上字體方
整類顏餘則人自爲書矣一崇甯四年聖製御書手詔
行書下有跋漫漶詔畧云朕奉先志述而行之靡有遺
舉吏怠不虔因緣爲姦托法以便私倚令以搔眾令諸
司悉力奉行有懷姦廢法不如令者按罪以聞仍令御
史臺體訪彈奏按史是年以朱勔領蘇杭應奉局及花
石綱東南之民方撤屋毀牆疲于供應而詔書諄篤亦

似重有恤者何贖贖也一藉田手詔楷書下半亦有跋不可讀其略云惟朕興兵以來田畝多荒故不墾卑躬與民休息今疆場罷警流徙復業朕親耕藉田以先黎庶按此詔高宗十六年春正月壬辰行藉田禮所頒距和議已六年矣一皇子節度使魏王手詔乾道七年二月立石孝宗行書略云朕以皇子愷賜履大名備藩甯國仍元衮視儀之貴兼齋旄制閩之雄乃眷東陽實居近服緬想提封之內當知寵命之新今特授雄武保甯軍節度使判甯國府依前開府儀同三司進封魏王按宋史魏惠憲王諱愷孝宗受禪拜雄武軍節度使開府儀同三司封慶王莊文太子燾愷次當立帝意未決旣而以恭王英武類己竟立之加愷雄武保甯軍節度使

壹齋集卷六

五

進封魏王判甯國府以示優禮旋徙判明州蒙年三十五訃聞帝泣然曰向所以越次建儲者正爲此子福氣差薄耳諡惠憲此手詔正愷進封時所降也一騎牛圖嘉禾陳舜俞知山陰縣以不奉青苗謫南康監酒稅象兩犢與致政大傅劉凝之跨游廬山陳作歌劉爲跋而躡于石歲癸丑熙甯六年正月五日也畫譜以圖爲李伯時作但誤歌爲劉耳山谷拜凝之畫像詩云往來澗谷中神光射牛背蓋指此也一留槎閣圖上分書七律一首亦舜俞寄題於歐川者後有郎中何公跋留槎圖者在處州龍泉縣濟川橋上下卽歐川也龍泉志云何才翁泛西湖偶與東坡談槎洲之勝蘇喜曰得非張騫氏之槎乎書留槎閣三字貽之舜俞爲詩遂名播當世

郎中何公者何偁也字得揚號玉雪紹興廿七年中甲
科隆興間爲吏部郎中殆才翁之裔跋剝蝕不可讀蓋
距作詩時後七十餘年矣第不知二碑何以在此攷府
志補遺有魏王手詔餘俱失載爰書其畧而以長歌紀
之乾隆丁未五月二十九日

金華試院婺州治建修屢歷元明季疊櫺駢拱溯大觀扁榜到
今題宋字野聲亭後眾樂堂擎空雙柏雲蒼蒼欹檐下庇石友
六插笏而立東西廊龜趺已失額尙好大字方嚴認了了一碑
遺書賜魏王食邑加封立乾道一碑御筆親藉田細觀書勢何
翩翩疆場罷警與民息議和正屬稱臣年左有題名右手詔題
名妙蹟尤堪寶領郡七十有七人我識老手有錢藻當年徽廟
瘦金書蔡京摹做多不如倉皇北狩究何補文工墨妙胡爲乎

壹齋集卷六

六

其餘兩碑刻圖畫騎牛可辨留槎壞松雲剝刺長歌闌檻依
稀跨清派白牛居士謫南康匡廬雙犢歌慨慷歐川有閣復寄
咏只今牛斗增豪芒臨川相公拗不省奉我著遷逆我屏青苗
法似花石綱熙甯畧與崇甯等我觀崇甯國勢危京攸傾軋懷
姦私四年朱劬領應奉蘇杭瑰異搜靡遺小民怨咨殊不恤詔
立此碑正此日便私搔眾誠如今可惜堯言而桀述摩挲波磔
妙且娟大觀搨本神非全字較大觀碑尤楚楚遙思進御敕頑硯磁藍紙
灑桐花煙此時豈必欺後世璽書絡繹同兒戲那知黔首不可
愚何用心勞徒作僞陋哉郡志畧不書日銷月鏤頽牆隅魏王
節度想遙領藉田歲月歸模糊題名一代誰不朽六碑比立唯
君壽轉眼忽忽南渡過爾時興廢能言不風流競羨沈隱侯裏
紙和烟榻不休高歌柏石還相笑忙殺城南八詠樓樓有米黃鍾所書休

觀鷓鴣取魚作

魚鳥判飛潛相化復相賊我思魚之生實無怨無德泳游忘江湖人物兩不尅苦遭鷹翬食時畏蝦鯁逼漁人百計求其具密如織陶朱經所無皮陸目未識勞以身破冰逸令魚自陟船白更思貪役貪收此鷓鴣力鷓鴣本水禽非魚固不食名或易烏鬼法來自倭國兩兩立船舡一例天生黑饒涎項貫環腥風翅交側瞥眼見游鱗翻身沈不測大者竝力擒小者滿口塞旋吞倏旋嘔究非爲己得是葢性使然非關盡厥職曠觀疆弱開生殺機互匿蛩蟹爲利甘虎俚因死惑靈蛇象且吞妖墓月敢蝕怪哉兩口虬爭食還自殛何論螳螂蟬後先爲鬼蜮萬物爭一飽叢禍乃不息無所利而爲愚何至此極鷓鴣爾有知曷不奮

壹齋集卷六

七

兩翼棄死江之壩噉喙霎時卽小詩擬大風可以喻吏墨

次韻張在蘆

舟飲桂花下呈石君學使夫子湖州

黃金糝地米粟多西風不食柰爾何極樂國中眾香國埋頭煙雨中秋過涪翁之師晦堂老手扶八榦凌風柯濃薰鸞鳳煥奇彩淡瀉茗膏馨餘波平生歡喜發隨地過眼安樂真行窩婆娑嘉蔭少雜木濫廁小艸煩譏訶張侯文章若美玉攻錯不用山求他對花酌酒忽浩嘆舟年尙遲青雲科溫馨勝讀蔚宗傳等數沙礫猶恆河我聞木桂長百藥宣導節脈扶陽和小山結屋且姑俟起爾拳曲巖之阿文昌六星光照席泰階正爾平無頗

九月朔日泛碧浪湖游道場山歸登峴山亭尋李相石

尊

并載塵霧胸偃偃何處洗秋風送客槎天許被蒼水閉關一月

餘煙雲湧足起晨興出南郭扣柅泛清駛鱗碧浪湖晶晶明
鏡啓菱芡蝕半規攬照亦可喜回帆入小谿線路爭叢葦道場
青滿眼孤塔矗可指稍稍有人家我舟亦云艤

上上百步棧商颿奏林皋山田新雨足霜稍香如醪弁山自南
來嵐氣遙相包少休翫巖罅羣想歸一起置身千仞岡始見天
之高五湖一杯水可以清煩勞

山僧邀我飯脫粟亦足飽虛堂坐秋風惜我游不早巖花無一
枝病葉落如掃佳辰愛獨行四時秋最好湛然氣之清收攝入
懷抱長歌行塋确陳步踏坡老蓬蒿不敢踐怕有熙甯卣

解維向歸路停橈登峴山窪尊凹如臼大石何盤桓風流憶適
之酌酒顏常歡魯公千載人暇亦窮躋攀聯吟挈羣從惜未山
崖刊我來臥其下摩遍苔蘚斑蕭蕭林颿吹渺渺溪雲還結茅

吾有志卻畏山靈怪

壹齋集卷六

八

讀荆公烘蝨詩次韻嘲之

人身血氣天轉轉蟻蝨微生出汗浣爭知肉食致此因誰信婪
酣戀寒餓阿奴火攻本下策窮寇遁逃計無那深藏罅隙虎負
隅倒釘襟裾竹垂箇蹣跚無力豕腹脹膈膈有聲蠍背破以衣
投火勢不能擇肉療飢威暑挫因思卵孕附吾身劇之齒牙罰
已過况茲焦爛下邯鄲何異寃殘付春磨故衣未脫新衣成生
者舍機死者播是身八垢未能除那免痒肌毛蚝墮火牛燕尾
角無功燧象焚身齒誰貨飢鷹餓虎佛不辭火威灰飛翠胡坐
當年御覽笑鬚緣此日冬烘成手唾相公調燮類如斯猶記青
苗責逋課何如無蝨不須烘湯沐時親聊自賀蘧蘧蠹蝶逗生

機一榻黃花相對臥

嘉興試院九日對菊呈石君夫子三十韻

積雨開叢薄黃花照濁醪十年如過隙九日負登高作賦豪愁
齧探懷刺久毛身行逾萬里頰緩待三毫痛過思何益飢來計
莫逃生天甘後謝止酒卻先陶嘉會辜清醜深鐙擁白袍愁盈
庾信斛機笑漢陰樵乃者先生召來窺著作曹小鳴慚蟋蟀大
扣識蒲牢泛槩經樵李孤城問馬噪開軒橫一榻移菊把雙螯
噙展徐黃筆機縣錦繡網校量水土性凌護雨風鬢卽此知噓
植因之笑感騷大都皆廣鼎豈有不明膏擁腫樗猶用參差香
亦芘也知齊得喪巨耐迫唬號知已誠何恨吾生太不遭艱難
驢負馱桀驚馬騰槽山石從誰錯河沙費浪掬薰蒸生湛露醞
釀出清糟日侍維摩室時觀羅刹濤刻舟爭得劍行潦亦容刀
狂恕賓僚薛愚憐弟子羔骨高知馬瘦尾赤念魚勞小圃花移
檻長江水復舳鄉心無計遣倦翮又將翺孤負泉明徑荒蕪仲
蔚蒿漫書當乞米孺筆媿題饒

壹齋集卷六

九

送張解元

肇煥

歸繁昌兼寄謝明經

詠

六年之別手脫丸六十日聚蛙在官西風颯颯籬菊殘欲別未
別顏不歡羨君性緩如范寬得失盡付棊一盤人生知己古所
難君名淡墨書未乾增城玉樹羅琅玕奇香卻讓溪山蘭軒車
得得來姍姍登高不負茱萸看飄然而去歲欲嬾三華翠撲疲
驢鞍嗟予蟲臂而鼠肝流沙到手焉能搏欲往從之奮歸翰田
園山水持兩端天台雁蕩真奇觀茲游不遂心何安君歸江國
紅樹攬寄聲謝客當加餐明年來游舸勿單春風遲爾之江干

朱孝廉

煌

來游西湖冒雨獨泛于其歸歌以送之

陰晴三日湖上樓春秋七日湖上舟西湖于我緣不薄出門往

往成佳游惜哉思澀筆不道唐突怕爲湖山羞胸中詩畫不知
誰戰勝如見五色迷雙眸桃椎居士達者流湖州乘興來杭州
鴛鴦碧浪不足留要窺西子匳鏡秋冷雲釀雨帆脚收翠烟掃
霧蛾眉修凌晨不與旁人謀禦雨卻獨披羊裘綠波熨貼柔艣
柔此身何必非閒鷗翠螺白紵君居幽廿年讀書最上頭我昔
訪君君歸休爲言清曠無可侔爾時兩人足未出庭戶若謂此
外勝境非所求那知飢驅鷹脫鞴四方上下難自由我窮燕趙
湖江漢君刺亦向脩門投問君扁舟興盡不雲山滿眼青浮浮
何忍遽爲王子猷

飯鑑湖觀穫稻

今年志于役兩度過鑑湖春來秧未插冬至已運租歲華遽荏
苒一飯真須與青山遍紅樹碧浪風舒舒疏狂羨賀監清暉能
爲娛居民擅美利不復揆厥初扁舟恣往來那管閒菰蘆馬臻
昔開導曾鞏曾序圖請看盜湖田今盡成膏腴倉皇吾負腹老
農誠不如

棗樹灣

推篷山撲人我舟落巖瀨詢之棗樹灣境妙能兩大木葉翦春
葩茅屋相映帶嶺橫如堵牆松栽足烟靄明朝急逃雨捉向烏
篷蓋過蒿壩
遇雨但恨衣不瓦那辨山如繪晨風天放晴振翼秋蟬
蛻忍寒坐帆下其樂毋已太何山非我家乃爾戀粗糲誰遣一
囊錢築室山水會黃精亦可飽脩壽無有害

之台州道出嵎縣寄友園子卿

水宿剡溪盡山行屨尖始林垌霽苦霧澗壑激清泚目營翠阜
亂心醉紅樹綺舍策凌峯巔休輿翫林趾廳興戀楓杉雲歸辨

扈歸田毛樂新豐巖構擅夙美香秬敵靈麻清酒冽于水行役
有如此客心悲可弭

朝發天台縣午飯羽人舍俯臨百步谿側想萬泉瀉趣途路緣
流肆目雲彌罅嶺紆戒步翔境邃願行暇一清澗眾懷萬感歸
大化艸木孕清暉巖谷繡春夏嚶鳴求友聲誰命千里駕

客懷頓宋宗馳暉何悠悠相思勞寤憶美景孤同游山心抱空
曠雲路阻且脩念昔合游輒願言攝山留彼淺趣尙戀此溪情
曷由表回發清嘯目睇孤雲流仙靈蛻巖穴林木紛莊楮歸
屬誰畫與爾追險幽

台州洪氏山居

入門爲誦小園賦移榻遙看大固山久坐幾忘身在客百年誰
味此真閒泉聲穿石瀦爲沼竹色如牆擁作關笑我畧如王子
敬徑來吟嘯不知還

壹齋集卷六

十一

乾隆丁未年冬十月二十八日從石君夫子自台之温
取道雁宕之北游靈峯龍鼻諸洞奇峭險怪有非耳目
意念所及者未審雁宕龍湫又作何狀昌黎云團辭試
提挈挂一念萬漏欲休諒不能粗敘所經觀因用南山
詩韻紀之

萬生局方隅遐矚止園囿神山在海上縹緲誰闡究夙聞雁宕
奇造化未我授路想祥符通鑿笑靈運漏操杖陪勝游周歲蓄
奇觀先期神骨清閉目靈異湊海嶠發清暉崑巒堆錦繡青排
千仞高朱殷萬林透升冢闢重霏入坎走叢茂有厓盡若牆無
山不爲岫臨海路漸僻永嘉道新就籃輦隨星輶三五簇心囑
浮陽曖春和豐條擢冬秀行行大荆谿淪漣醉清耐前途忽羣

譚林壑發奇覆耳目失舊規天地騁靈構老僧拱而迎僵立頗不瘦得毋諾詎那來閱古今宙老僧厓去大荆謝公足未經茲五里形狀奇肖

嶺誰劉鏤謝公嶺為雁宕北人蹒跚造其顛那復辨周衰始知

山靈意以此為門候遮留閒峯巒不令煙雲籠陰陽互裏姪拘

絳中宮戍俛首闕重厓狹道蛇赴寶泉流瀉琤瑋鳥下暗激漱

萬籟宗無謹一洗塵雜糅維時山多陰是日晴未晝紋麤斧乍

劈皴細麻始溫羣攢路斷樵孤聳鳴絕坎路交勢欲奔奔側立

不仆劖刻般倅慙渲染荆關陋大造鍾至靈孕育示博富有如

至咸陽府庫將爭走貪婪誰肯廉看殺不相宥又如入五都眩

眊珍寶售罔知目力勞但乞腰脚祐險追狙公游狂判山鬼詭

後升睇前降緩緩沈密踐實定心神踏虛增恂怒因緣飯古

剝知新頓忘舊會食淨名寺聞石君師談靈峯洞之奇急肩輿補游蒼黃不敢飽陳迹踏

且又靈洞失奇峯陰崖緩窺睥一者不得兼心兵自相寇得豈

蕉鹿迷失可桑榆救循途復故道急若雜待敲十步作五奔奇

功乃膚奏兩峯竝插雲雙南金不質鳳皇入雞羣五老何邂逅

鳳皇金雞五老皆峯名俯登料足冠仰矚先捐脰就險羞懷夷擊清頓豁

脊海水忽下垂玉柱冰雙溜劃然中開呀縱補待鍼復分寸力

躋攀擁掖勞左右腹罇殼旋羸頂圓冒縣胃褫衣濯背汗解鞮

殼足臭乃得補斯游所願竟克副山丁曳輿飛騰擲學颺颺埃

酋瞠無光漫空鱗甲皴神龍罷為霖厭棄洧淵門萬古攫蒼厓

心死雉震雉鼻孔涓瀝流那得四海溱摩挲未移時促去何太

驟青旗前載揚玉屏後擁佑展旗玉屏洞洞中有同道人七絕一首體盤屈外所書也題名徧

婦灸斷碑仙所書糾屈文類籀首字體盤屈外所書也題名徧宋元姓字波磔逗就中見沈括講學勤筆耨委曲狀茲山幽揆

費訪購通人談微中根據鮮誼譎我昔寫遺書有聞自孩幼竊
疑蕩宕文錯出有譌謬說文蕩水出河內蕩陰宕週也一區區

較音義毋乃鄙釘餽惜無西域書誰問蓮花樞又聞雁宕峯

峯所粗榦若扶拔師子蹲立長百獸巖丹峯百三神異邁靈鷲

唐泉五代宋權輿辨先後攀援到康樂觀瀑亦會留近志謝公亦會到此

龍湫更奇觀此領彼實神得少意自多捨貲竟不狩索然棄南

行愁如趣北首譬彼忍朝飢釜鈍炊不餽譬彼汲邱井瓶墮緇

不收翻然強自寬筭豈無虛殼不聞山有木一樵盡歸標不聞

卦呈爻九簪盡符繇萬事留贏餘陽消戒在妬獲觀二洞奇已

非因想邁底須探海源必欲泛星宿菜傭乃求多天驥爭戀廐

矧茲千里游隨處皆瓊琇回首憶家居坐井觀天雷二反在一

壹齋集卷六

三

隅毋爲寸光徂指塗下九盤神虛氣亦懣黃昏望芙蓉巖谷互

膚腠鋪牀營一飽酒盞疊相侑沸耳尙泉聲飽飢而愈疾卽今

滌腸胃日讀游僊呪移家就諸謝山中人多謝姓先遣一椽儼沈飲石

泉香果腹山花顛作詩擬陳謙陋畧難報稱

謝客巖

永嘉山水佳謝客值稱賊我從曠刻來識此疏鑿力當年周歲

游此日萬夫德行田教種桑況有功在國後人事苛求素絲誠

易黑茲巖昔所游勝蹟尋未得白雲青艸篇何處是遺刻模糊

讀題名宋元字亦蝕俯仰迹俱陳令我三嘆息

永嘉谷氏園

竹杠兜子出重闌暫到名園艸樹新山石品難分甲乙池魚聲

自辨庚辛以手拍檻魚皆就食茶籃酒榼游誰記岩月湫雲寢未真我欲

爲君題谷口四時此地正如春

登孤嶼謁文信國祠

朝發永嘉江候潮泊孤嶼窮顛雙浮圖腰腳幸我與少休望雲
樹信國有祠宇振衣入肅拜淒然首重俯緬懷宋南渡興亡屬
茲土龍潛記壽皇痛哭又奉主靈傷丞相心抑鬱正氣吐那知
厓山傾天星落如雨轉戰猶江淮柴市真死所朱烏魂不歸誰
擊靈巫鼓荒楹宗無人月黑江聲怒異代有卓公精靈或堪語

西有卓文貞公祠

石門觀瀑謁劉文成公祠三首

挂席湖瓜溪弭楫向蓮恩闐然石門高靈境愜初到尋途躡苔
蹬逢僧屬前導孤叢發早梅幽香暗相報忽驚耳根異仰視銀
河倒平生未有奇何幸連月造因思謝康樂舉蘭宿淡奧卻恠

集中詩未及石門瀑

壹齋集卷六

四

我聞測量家雲漢碎星聚撒沙同一光下視只匹素又聞三神
山珠塵糝如雨仙人拂拭之棄擲略不顧二說昔頗疑觀此譬
可論造化豈靳奇賤泊偶成趣萬靈域分寸目自隔塵霧那知
人間世本有梯天路

祠堂面飛瀑遺像中三楹先生替諸葛宇宙垂大名巖居昔赴
召借箸六合清談洋中飛訪述志歸躬耕拓胸見象緯學本經
術明多能雖鄙事固匪郭與京當世謬此理傳會交相傾陰謀
道家忌至欲疑陳平可知閉房記尙誣孔子成

蕭山道中追錄石門舟夜

尖風翦葉莽辭柯轉眼流光可奈何細雨驟寒來塞雁深燈孤
枕送吳歌年豐尙覺貧爲累愁劇翻嫌飲不多默數之江行已

徧好山半在癡中過

壹齋集卷六

五



欽定四庫全書

壹齋集卷七

當塗 黃 鉞 左田

古今體詩七十四首 戊申至 庚戌

江珧柱

徵材會上天子秘飽噉細味涪翁詩形模野席一杯琰佐飲綺
席雙角厄河豚腹腴妙久領但恨未得餐離支裴回鼓腹不負
汝仰看海月初圓時

湯鵬鐵畫歌 有引

錢唐梁侍講 同書 作湯鵬前後鐵畫歌一時屬和者甚

眾顧傳聞有異辭鵬字天池 鉞 鄉人幼聞先大父言其

事甚詳初賃屋於先曾祖貧甚技亦不奇有道士乞火

於爐爐成詰之曰月餘未鍛也道士擊其竈曰今可矣

壹齋集卷七

徑去後覺心手有異隨物賦形無不如意第惜山水未

能也往詣蕭尺木求其稿今所見蕭畫也輒舉所聞別

作一詩

清冷水入中江流以水淬鐵鐵可柔千門揚錘聲不休百鍊精

鏤過梁州 蕪湖水出宜歛體重流駛於淬鋼宜業者甚眾皆材
取水於石橋港蓋東則溪流方緩西則江湖漸殺材

美工聚物有尤湯鵬之技古莫儔始者頑鈍賈不售鍛竈冷落

虛如邱星精下矚神光麻遂令爐鞴盤蛟蚪攻金竟類攻皮鞣

賦形肖物皆我由柳嘶蜚蜚蘆蝓蚌以兩鉗當豪雙鉤更思山

水堪臥游法無從得心煩憂蕭君隱德如沈周寄情詩畫娛清

修湯亟造請遂所求皴為減筆林不稠寒山古寺宜深秋閒有

衰柳維扁舟請看真本鐵筆道果與蕭畫無別不我家有屋臨

莊道湯久賃之緡未酬歲終往往以畫投燈屏燭檠多藏收不

關豪奪與巧偷比年檢賣靡有留兒時大父辨絀優我敬聽之
不敢詛太史作歌爲闡幽筆力直可回萬牛盤空硬語雷同羞
謾聞豈足供芻搜繼聲聊作鳴蟲歎

送在蘆歸鉛山

虛亭積雨霏寒煙手書晝臥衾擁綿錢唐江深漲入寢奮劍截
斷飢蛟涎時徽州祁門有蛟患江水暴漲朝來日腳照眉宇黃金色射春無邊
空中樓閣彈指見脫口報我瓊瑤篇丈夫于役有數定傅舍一
宿皆天緣我行吳會又二載不歸豈爲憂無田卽今去住兩難
決那禁離別交相憐羨君邊韶腹便便送君上水江山船到家
好舉孟光案共飯新黍聽鳴蟬

喜范比部

鑿

平臺凱旋過杭次石君夫子韻

戈船飛渡六師歸照海旗幢夜有輝萬馬環營能艸檄百年饗
壺齋集卷七

二

士看椎肥木華作賦才無敵宗穀乘風願不違六月西湖新漲
闊與君談笑洗征衣
卅年潦倒尙儒冠鐵硯磨穿筆已乾鸚鵡薦自知非是禰龍鍾深
惜久離韓羨君笳鼓乘潮競愁我蟪蛄入戶難暫欲遮留圖壯
觀好憑指點作波瀾

奉酬石君夫子送行之什

四十未聞道三徑歸無賞勞擾二十年始得從吾師吾師嗜才
篤所蒞搜靡遺手扶大小雅成材皆中規當其嘆賞劇朝諷宵
猶披笏觀尙感激何況身受之鉞昨初來謁西園花滿枝坐我
再到亭杭州學使院中亭名惜我芳華時肝腸瑩冰雪持論均成虧乃覺
向者謬出話何傾欵及今一載餘杖履常追隨漸江深復深歷
徧東西湄何當秋風生小別歸有期知己夫何恨感恩甯無辭

惜哉意未達不足鳴其私

范比部書舍三詠

榆

彈指聲中又一春飄零榆莢糝香塵攀條爲爾添惆悵我是當年種樹人

鸞枝

牡丹芍藥錦叢叢拋却湖山四月中花若有情應自笑一枝能得幾時紅

王太守宸書

合圖曾爲我題詩太守曾爲鉞題登高合圖卷子老守前身老畫師我未識君

面君畫十年也算舊相知

雜言五首

壹齋集卷七

三

十萬言說堯典三紙券無驢字壯夫不爲雕蟲小兒強作解事夜讀史記上口潛賄蘭臺改經作偽心勞日拙經神漢聖無靈春秋詆爛朝報漢書嗤決科文眼光未窺經史高辭欲媿皇墳儒者博聞強識郢人運斤成風不辨鼎有真贗誰知烏之雌雄杜陵殘杯冷炙越謠戴笠擔簦君勿輕投一刺客當自盡九能

次韻王孝廉光燮見贈二首

飢寒涉世料難工買得江船便欲東與子卅年稱舊雨贈予七字勝歌風合并園館閒清晝想像江鄉卷碧筩六月于湖樹交蔭幾時同坐綠陰中

晚而學道語能工聽說游蹤大小東秋色誰華圖壯觀詩篇王趙有遺風寒酸那慣車爲壁勳業憑誰瓦用筩時同寓韓城便相國承佑園

欲糟邱共君老其如徐邈不能中

憶去年六月同朱蔚堂張愚溪游虎跑泉山僧汲泉烹
龍井茶飲客雨中用東坡韻二首寄子卿杭州

肩輿山寺日未上涼葉翻風自俯仰虎跑雅可試龍井石鈿清
堪傲金掌惟愁盪胸波浪生那管飢腸轉轆轤響棖觸今年正去
年檐雨喧江寢魂想

蝸牛涎壁分寸上蝮蝥塞鼻不能仰盤旋斗室但思臥薦憶佳
山如焯掌起尋茶碗久忘渴忽發田歌不成響雲山疊疊水鱗
鱗有人湖上方懷想

夜雨述懷

愁心百擬無所似似鉅受錢不可傾直需撲滿愁始出此身瓦
裂生非生人言瘡愁有良藥對酒不飲何無情濁醪入口痛入
腦一醉三日猶餘醒蕭蕭涼雨燈壁嗟我有家歸未得誰憐
齷齪爲飢寒一十七年常作客江南早稻沒牛尻瓜棚絡繹絲
可縑人生生計到處足我獨何爲心煩勞丈夫不得活妻子旅
食京華亦可恥低頭自問客何能失笑不如行腳僧倒單飽臥
不知曙了無挂礙超三乘

題畫

缸花斗室垂頭暗雨氣疎簾入骨涼小病始知身是寄中醫暫
遣醉爲鄉間思客寢真蕉鹿漫憶家山有石羊強起濡豪寫林
壑雲烟多半屬荒唐

己酉八月十二日過蒲

林程

元吉

兩同年寓齋留飲

慶之僕馬行成三我今徒步影爲二東坡四海一子由我今有
兄卻無季藏身人海日憧憧沈謝何劉亦難記馳驅九陌逐下
風不肯輕投一人刺頗聞張陸並宅居其中有水味亦異率然

扣門不我拒圖史縱橫儼清閔偶因茗飲愛深杯卒具盤飧留
一醉程伯春容大雅材蒲髯飄飄有奇致長安作詩多吉語偏
我十言九不利窮愁未忍盡棄捐深恐人看抵之地兩君不許
固藏拙痴歎何堪有同嗜方今作者浩如麻出入風騷直兒戲
候蟲酸楚何足聽但解啁啾聒清寐兩君拍張忽叫絕不枉狂
名遭物議是何年少太不廉我欲因之妒朱异急裁佳紙高句
驪請寫花枝出深翠濡豪爲作松菊枝牆角秋風鬥生意門無
車馬巷無人邱壑何須爭位置更煩載取後山來謂陳犀林
廷桂同年後
會此閒座當四

聽如皋顧君誦戴

寅光

同年泊舟蕪湖訪鉞不遇詩凄

然追悼

五載不相見一名行卽殂倚閭傷老父歸櫬少遺孤江雨題詩

壹齋集卷七

五

處桑乾錄別圖

戴詩有云鳩江疎雨歇小泊楮山西言訪故人
去蒼然秋葦齊庚子秋鉞曾寫桑乾錄別圖送
歸休

黃山雲似海何處莫生芻

題陳默齋留春小舫

在蕪湖城西陶塘北陳
山陰人明府聖修仲子

于湖居士張孝祥嗜酒好句清而狂捐田百畝滙爲沼園種楊

柳分成行煙雲變幻鷗鷺樂簾幌蕩漾芙蓉香當年扁堂歸去

來只今遺址無何鄉此邦文獻不足考繫我淺陋安能詳狀元

坊後不半里有湖徑圓曰陶塘張時治宅旣茲地此水何忽歸

柴桑杲卿圖經邈難得于湖詩集多遺亾剩有漁父三十二塘
畜

魚凡三
十二戶年年租稅輸官藏以茲游舫不得入篙楫恐與晉綱妨

賢侯令子今安國愛玩一片玻璃光開軒築館妙結構舫中留

得春堂堂百城坐擁照不夜六時行嘯羅羣芳歷年七百互賓

主坐我圖畫披瀟湘憶昔年時好游宴闌入酒肆傾壺鷓赭山

濃翠晚欲滴醉踏隄樹行踉蹌有時放歌白日匿永夜讀書紅
鐙將少年種種勝意氣嘆息鬢髮行將蒼願君撫景事鉛槧點
竄羽獵凌長楊他年廷對擢第一湖山艸木皆輝煌濡豪爲爾
志流寓後有陳亮前惟張

扁舟黃葉圖爲陳默齋題

前年十月行剡谿濕雲夜壓孤篷低驚寢不審何邨雞飛入客
枕先潮唳朝晴青山淬角圭萬木葉翦黃玻瓈我手欲畫筆欲
題掣曳正如仙降乩誦君好句一笑迷似導故步尋舊蹊君家
家山女及笄濃蛾環廁江東西嘉蔭得意蟬忽嘶秋風乍蛻聲
酸悽屬稿半被同游攜美我何異鄒忌妻君詩名與崔華王華
齊故鄉好景行自齋錦囊負重須兩奚樂勝章組還會稽還君
此圖憶舊棲扁舟泛泛如鳧鷖黃葉打門吾歸兮

于湖竹枝詞

壹齋集卷七

六

昇平橋畔狀元坊曾寓于湖張孝祥一自歸來堂沒後頓教風
月屬陶塘四朝聞見錄張烏江人寓居蕪湖捐已田百畝匯而爲池園種芙蓉楊柳扁堂曰歸去來昇平橋卽昇仙橋在城西張中紹興甲戌狀元故宅在焉陶塘在其坊後半里當卽歸來遺址張舊有祠久廢乾隆庚戌余請陳明府聖修重亭宛

山如螺髻水如油踏罷青春又踏秋嫌殺漁郎太邨俗風光如
此不容舟塘以蓄魚故無游舫陳明府曾買二舟余得縱櫂今明府逝而此風又歇絕矣

龍家園廢柳垂陰學圃堂開面碧潯妾似金朋花性急郎如菜
服莫濂心龍家園在陶塘西學圃堂在其東俗呼金鳳花爲金朋蘿荷之空心者爲濂心說文古文鳳本作朋爾雅濂虛也方言云濂之言空也土音嚴近古

酒人散盡坐猶癡讀畫堂深夜課詩莫怪重來雙鬢白赤蘭臥

柳已孫枝讀畫園舊名左園右鄰酒肆在陶塘南

繞屋江梅未肯紅雪花如掌撲簾櫳愚公若許移寒壁乞與山房障北風一角山房舊名桂園今爲馬千之宅寒壁在歐湖卽大荆山去城東南十五里湖亭皆向北故云

平蕪一望連天水峭壁千尋宿莫雲想像朱園遺構處粉垣艸閣照斜曛平蕪峭壁艸閣粉垣皆蕭尺木重過荆山朱家園句詳詩意園當在今寒壁下詢土人亦不知

飛甍來覆塢尖穿風鐸無聲不計年漢瓦秦當收拾盡何人藏弄赤烏輒蕭山普濟寺塢頂殿有飛甍來覆之至今猶在塢馭開有墮者乃赤烏二年造

平軒遙瞰一湖開聞說涪翁守郡來當日到官才九日未應便起讀書臺蕭山有滴翠軒相傳爲涪翁讀書處李之儀跋山谷二詞魯直請無爲當塗而得當塗猶踏躑一年方到官既到九日而罷又數日乃去

濛濛濕翠滴簷楹北寺軒因老檜名自摘青山詩句好山光樹色欠分明郭功父青山集有蕪陰北寺檜軒詩青幢碧蓋儼天今譌爲涪翁讀書處似指山翠欲滴不復知有老檜爲功父所咏矣北寺今蕭山廣濟寺

壹齋集卷七

七

野老堂前春尚寒閨園籬外雪初殘輸他鐵佛拈花笑讓與如雲萬眾看戴園在陶塘北舊爲閨園野老艸堂在城北縣人韓鑄宅圓照寺俗呼鐵佛寺有梅甚古花時游者不絕

湖上貞魂骨未塵湖邊游女日如雲嬌憨似解當時事笑問誰家節婦墳明沈士柱死三婦同日殉節墳在沈家坳陳明府重修之

韭黃芹碧萸蒿短甘薺和泥稱足斤底事羹材徵不到蓴絲一任綠如雲蓴爲蕪湖土產而人無識者

酌酒三巡令擁騶長街七里看春牛嬌兒鵝角紅於火開攘攘花簪滿頭每歲迎春必于吉祥寺橋暫駐官爲酌酒然後啓行曹石倉詩蕪湖七里長翦絨爲人謂之鬧攘攘花葢

猶人勝

僧店濃香酒不筇麥磴誰飯聽經牛吉祥寺裏花應笑未見坡

仙拄杖游國朝朱見田詩吉祥寺酒開缸面愛殺濃香煮藥苗山谷蕪湖縣吉祥禪院記有屠者故兒忍于是坊欲

解牛三夕不能奏刀已而牛見竊送我吉祥禪院至今以供麥磴蕭尺木畫太平四十景取東坡吉祥寺看花詩意圖之葢

耳合

短碣親題篆籀工嚴家山後翠重重畫工欲辨蕭真本記取墳

前幾樹松蕭尺木先墳在嚴家山碑甚古雅墳上松酷似其畫

烏飯香時將浴佛黃梅熟後正眠蠶看花試上留春舫載酒須

過三昧庵青精飯俗謂烏飯留春舫陳明府別業在陶塘南三昧庵今為永觀禪林在范蘿山東麓稱三昧者以國初三昧和尚得名也

吏部園林何處尋春來芳艸遍江濤那知三昧庵前路曾泊孤

帆永夜吟施愚山詩集有張來初吏部園林詩平子歸田早于湖傍碧岑又江口三昧庵詩注時泊兵艘僧皆閉門

又兩泊蕪江詩皎月何時見孤帆永夜愁今吏部園林不知何處三昧庵門外皆膏腴之田去江已數里矣

甚紫櫻朱麥已秋玫瑰香遍小孃頭生憎鏡檻花狼藉半入蜂

糖半入油嫁女周歲必於四月朔送玫瑰花及枕簾之屬謂之送夏新婦通呼為小孃

風捲松濤入寢醒臥游曾對赭山亭分明天水明于練一幅湯

壹齋集卷七

鵬鐵畫屏鐵山在赭山西上多松一覽亭在赭山頂湯鵬字天池鍛鐵為畫山水蟲魚畢肖

重午龍舟江上逢李牛何事不相容勸郎移近河南住妾是青

龍郎赤龍重五競渡青龍屬河南紅龍屬河北相遇必抵死角勝雖婚姻不相讓也

茵菖歌猶楚些遺停橈打鼓故遲遲古今樂府題都解卻少人

箋競渡辭端午競渡龍舟打鼓唱歌詞只四句每二句間以俚曲歌詞諱管殊不可解末有茵菖花兒天天句蓋樂府幾令吾妃呼稀之類

中江柱下江水淡積福閣上僧悲吟一枝紅燭照天半驚起普

陀觀世音余兒時曾見汪和尚者居積福閣冬夏着一破衲中江搶燈先一日狂望而呼曰好枝蠟燭聞者不解翼

日始驗其言有謁普陀者道逢一僧謂曰爾歸燭聞者不解翼

苦蘆何必來此其人果歸北登岸見汪遂皈依焉

清風樓畔葬淳風舊說荒唐不可從博得盲人求利市年年團

拜墓門中唐李淳風墓在驛磯清風樓側事見志今羣首以清明日連袂團拜以當墓中者為利市

居仁遠在白沙藏深道依然表道旁可慨周邨置守家至今局

秘失周郎陶居仁事見宋史忠義傳而志列之宦蹟殊失體例

陵於巴邱病卒喪當還吳權迎之於蕪湖今城西魚市街民家

瑤墓在城北周郎舖置守冢戶是時城尚在咸保墟此地正

當西北且與韋墓近意此時北邱地也則瑜墓實在此矣

春波疊疊拍城隈廿畝平湖一鑑開試問花津橋下水幾時曾

載酒船來西湖池在城北廣二十畝花津橋通河達江今並淤廢

早稻初齊晚稻生喜聽遮了一聲鳴今年不怕壩田破占得分

龍一日晴農家聽蟬鳴為江潮平定之候又諺云遮了叫割早稻五月廿日分龍是日宜晴

東承天院有蘇書三館曾搜蔡所儲七百年來方丈改不知何

處是精廬東坡題跋元豐五年賦謫居黃州蕪湖東承天院僧

廿三日舟過蕪湖乃書以遺湘使刻之硯箋高宗渡江書籍散

失洪玉父少監建言蕪湖僧有蔡京所寄書籍因取之以實三

今東能仁寺

冥濛春雨莫連朝悵望河流一箭遙不解清冷何處辨夜來山

壺齋集卷七

水破浮橋前漢書地里志宛陵注彭澤在西南清水西北至蕪

云按漢書丹陽宛陵有清水至蕪湖入江又應冷水出丹陽宛

陵然則清冷同也浮橋在縣南門外宣歙山水驟至則開以殺

其勢

噉茹何堪煮僕頭網船祭網出新洲今年上市河豚賤不用先

生典袴求買魚得鮓不如啖茹蓋魚之不美者今漁人輒蓄此

網河豚及鮓魚之屬皆祭網而出新洲在蕪湖

閨中乞巧輒先期沿自南唐內宴時卻恐來朝鵲橋斷癡心更

比女牛癡陸放翁入蜀記京口人用七月六日為七夕蓋南唐

入建康赴內宴蕪湖去京口不遠亦沿此俗

水飯淋漓鐘磬喧盂蘭會散法師還此中定有揶揄者不結人

緣結鬼緣中元以水飯紙錢焚奠水次謂之結鬼緣

盡拓經樓看佛燈燭龍冉冉照山升笑他僧俗怱如蟻誰解烟

霞伴老僧七月晦日俗傳地藏王誕日向精山燒香者百十為羣夜則人持一燈魚貫而上望之若燭龍然老僧相

伴香烟霞金地藏句

燈船戲罷平安戲豪竹哀絲處處催忙殺花閒驚蛺蝶一年強

半繞歌臺上元龍燈端午競渡罷則演劇賽神至秋又跨街為臺以報秋社謂之平安戲

燒罷天香幾日曾一層絲又一層燈游人踏月垂涎甚出甌新

香賣糶菱香中秋前後七月分社點燈謂之燒天香又謂之平安萬壽謂之萬壽燈菱之綠者日糶菱至是以餼蒸賣元微之詩綠糶新菱實俗稱蓋所本也

人影衣香走月明碧天如洗晚風清誰憐沒柄團團扇曾照詩

人送客行中秋婦女互相往還謂之走月唐李貞白詠月詩當塗當塗見蕪湖蕪湖見八月十五夜一似沒柄扇元夫山南僉憲詩今志作舟過蕪湖月送宋顯

縱偷為戲莫相嗤瓜壓茅檐豆繞籬生子居然南有兆可知女

亦是蛾眉中秋婦女謂之摸秋白扁豆謂之蛾眉豆松漠紀聞扁豆生女謂之摸秋白扁豆謂之蛾眉豆松漠紀聞

金最嚴治盜惟正月十六日縱偷一日以為戲

叢篁古木自成邨粥飯鐘魚靜不喧聞得木樨香也未表回無

處覓庵門丹木庵在精山南以竹樹為牆有老桂二株

爬磯紫蟹入簾肥啄粟黃雞上樹飛小緒山前看刈了大丁橋

下運租歸江蟹上驛磯瓜為之禿謂之爬磯蟹最肥美小緒山在精山西北大丁橋在城北七里

報道澆磯水不澆夫人遺恨溢江湖何緣道士傳妖妄寶帳珠

簾娟老蠹入蜀記蠹磯在大江中政和中賜名甯淵觀舊說蠹澆以磯在水中常為水沃也今北已近岸不在江中矣余兒時聞道士妄傳孫夫人靈異好事者爭以鏡奩牀幄奉之一日道騰去自後靈異遂絕

鵲磯下院甯淵觀門對中江萬里潮誰是梅仙泊舟處浦魚洲

鵲觀頭橋梅都官離蕪湖至觀頭橋詩江口泊來久菰蒲長舊和中賜額甯淵觀以隔大江故置下院於近邑今

瀕河甯淵觀是也觀橋反在觀後去江二里許矣

壹齋集卷七

十

磯頭祠宇煥蒼厓楹帖相傳句最佳一自梅梁承 賜額不須

金字覓詩牌 蟻磯祀靈澤夫人有集唐楹帖云思親淚滿吳江

石君師請於 冷望帝魂歸蜀道難為世所稱嘉慶元年巡撫朱

磯詩高皇事業山河在 留得奎章墨未枯自注廟中有高皇帝

御製詩金字牌一副 今不知遺失何處矣

巖夫名附明詩綜尺木詩因畫不傳誰識谷音柯退子魯明江

上有遺篇 湯燕生號巖夫太平縣人流寓蕪湖有商歌集今不

集數卷向藏蕪湖沈氏子今不知所在谷

音瑞陽柯茂謙著有魯港詩退子其字也

吳姬水調改新腔西舫東船月滿窗我昨維舟魯港驛但沽雪

酒酌寒江 薩雁門過魯港驛和貫酸齋題壁詩吳姬水調新腔

船西舫無人語可惜窗中明月光雪

石碓河通魯港河宛陵人趁夜航多分明事出桓彝傳不合疑

他字畫譌 晉書桓彝傳彝為宣城內史蘇峻之亂彝遣將軍朱

壹齋集卷七

注石碓江名在宛陵西按今蕪湖縣南三十五里有石碓河源

出南陵通魯港河出江徽甯行人多自此趁夜航船是時峻由

歷陽陷始熟彝遣將帥蕪湖已由宣城出石碓則據上游也至

今人呼石碓悉與桓傳合 國朝田山薑古歡堂詩集有由石

磧抵黃湓詩碓作磧王光祿 鳴盛廿一史商榷按晉書注碓

一作頭元板又作跪皆不知類篇有碓文而晉書未嘗誤也

梅築園鄰 寢日亭城根無復舊柴荆栽花種藥知何處虎帳龍

媒屬老兵 寢日亭在城東今為蕪采營火藥局蕭尺木移居詩

後為鎮兵是據遂毀精舍為園 愜丁亥秋始得攜兒子擔書筭

葇穢葺垣畧蔽風雨而家焉老病詩風猶種藥傷心雨後亦栽

花移居句也梅築尺木園名梅痲詩話題寢

日亭詩虎帳覺來驚日墮龍媒嘶去逐星流

殉城共說王經 歷殺賊偏聞周廣文更有浮橋葛文學不知何

處哭孤墳 王如春字開熙石人渡人為時名彥任金華府經歷

泗字孔來南鄉鳳翎圩人任涇縣教官乙酉城陷手刃十數人

物仍明倫堂十日後猶堅持利刃不釋即葬於涇葛文學復

得則居心不淨一說逆水橋上為漁人所救隱廬山為僧皆見

蕭尺木

詩集中

平拖大小褐山青松竹陰中八角亭好軸吳裝橫看子阿誰依

樣畫圖經入蜀記便風過大小褐山今譌四合山松竹陰中孤

識丹亭俗呼八角亭四朝問見錄蕪湖圖經韓杲卿所換

三春桃柳九秋蓮消受風恬月澹天我昨肩輿堤上過風流誰

繼長官賢陶塘堤徑圓幾十里向為水齧至躡樹根而行陳明府募工築之種以桃柳芙蓉

桑棗園丁游白下葉山樵者滯明湖何人再拓一弓地畫社重

邀九友俱桑棗園丁邵士燮自號葉山樵者金鐸自號鏡湖畫社今歸陳明府別業曩與邵士燮友園士鈴東田士

鐵鐵君士昆劍門施道光杲亭金鐸振之程激靜江馬雋千之何棹雲浦暨余兄裳補之課畫於此今東山杲亭下世而余九

人者又聚散不常殊可嘆也

鞞背船舂遠近游幾時真箇閉門休卜鄰王翰如同願水閣三

閒亦易求王翰謂王澤子卿也與余比鄰居皆苦湫溢

壹齋集卷七

壹齋集卷八

當塗 黃 鉞 左田

古今體詩四十五首

辛亥壬子

辛亥正月二日飲友園齋中

桑東園丁未是貧圍爐尚飲賀年人平生輸爾家居樂兒女團

園一屋春

初至紫陽山堂病中聽雨

山雲樓起勢崔巍鼓一中時雨又來寒氣逼人如蟄燕泉聲繞
屋走雌雷起挑燈火尋書讀漫憶家鄉有信回底事飄零萬山
裏論文誰共一尊開

谿流藹藹樹蒼蒼不信山堂是病坊春老卻憐花糝地愁深怕
聽雨鳴廊水過梁下邳名魚龍舞風到門前豆麥香見說牡丹開

壹齋集卷八

已偏寄賤風伯丐晴光

紅躑躅歌

紅躑躅漫山復填谷春風二月三月花照耀千邨萬邨屋我來
新安欣見之筆乾思渴無文辭又嬰歟疾鼻苦塞牡丹芍藥香
不知空山病夫游頗懶賴有此花常到眼卻怪山樵不愛憐擔
頭一例柴薪翦城中好事爭奢華規池關館羅羣葩那知霜霰
陳根在歲歲年年看此花

雨中汪空洞武送櫻桃感贈

雷公鞭龍不肯赦倒注銀河三日夜冷踈矮屋勢欲拔拳局空
山吁可怕徑思逃雨走入城忽枉故人朝命駕蹇然足音已足
奇况有含桃相慰藉貧兒暴富目易眩火齊玫瑰光溢舍頃筐
恣送野人饗空林不管流鶯罵故人前席更致辭一別廿年須

鬢化于湖三月赭山春戴園一樹紅珠亞點筆君成竹屋詞筆
賤手寫風楊榭是時君齒方二十京國疲驢冬已跨我亦山陰
興盡歸大江東去揚舫下那知撒手如搏沙直待今逢萬山鏝
爛熟櫻桃又要詩莫教寂寞過新夏我聞此語心竊悲煩君手
攬義和靴紅顏已爲一名衰清癯難尋當日暇不知許事食櫻
桃清溜排檐酒方醅

謝空桐盤飧之餽

綠秧刺水雨毛空山徑都爲苦霧濛忽枉盤飧驚晝寢愧無賤
謝似楊風

相逢青鬢各蒼然意氣飛揚我逸前卻憶湖亭初握手兩翁纔
及兩兒年

山居卽事

壹齋集卷八

二

古瓦三閒屋新松四面山晴知鳥烏樂靜羨水雲閒茶把何人
送柴門鎮日關忽聞邨犬吠應是借書還

食罷山前立雲歸直到門野花延竹蔓新水穴隄喧遠憶人千
里行吟月一痕虛堂殊寂寞誰與共黃昏

掩窗仍散帙坐待點燈時敢以書遮眼聊將身教兒在暄衣漸
褪避濕榻頻移漫道深山靜池蛙聖得知

雨中雜憶效姜白石雪中六解體

曬繭科桑那得閒人家都趁水鸞環畫船穩載烏程酒碧浪湖
中看弁山

經旬梅雨樹陰森萬點荷錢露不禁一霎西風雲盡散阿麟搖

艣到湖心

阿麟西湖舟子名

望江門外渡錢唐到得蕭山已夕陽急纜紅船攔入市楊梅爛

紫枇杷黃

新除布幔換疏簾芍藥濃香比睡甜貪買數枝無處插乞鄰借得膽瓶添

棖觸溪翁柳貫鮮黃姑渡父不論錢人生鄉味何能忘不食鮓魚已七年

夜雨排簷酒注缸空山無復足音登故人有籟如相訪歙縣門南好渡江

與巴子安慰祖游豐樂溪吳氏園亭

豐溪富亭榭有園名曰果主人入門右延客導之左不辨桃李蹊一例翠鬢鞞是時雨漲池周堂深可舸湖橋三尺寬野竹亂

飛筥假山故招人誰使跛御跛時病左足

有明吳周生植此閒富長者奔走董其與陳繼儒小像為合寫董

壹齋集卷八

三

時年八十陳少三年也周生微有鬚四十年上下小幅閒自題

蘇黃漫掃捲山人占身分習氣誠可嘯眉公題跋自擬於蘇黃傳聞董少

時教授此邨社名園十二樓尚有畫一堵已為俗手更不蔽風

雨灑同時有二吳羽字左干隆字仲道皆家於此筆墨亦嫺雅合圖回廊中葢

亦存者寡剩有香光題淋漓照屋瓦即今墨尚鮮想見筆初把

我來拂陳蹟水草幾沒髀蹒跚到山亭茶話可聊且指點舊池

臺茲游難遽捨

高閣面清漪溪山好無數微風將雨來窗牖黯如莫我聞豐樂

水遠自雲門注黃山尚未登茲溪喜先渡何時歸結茅及茲理

漁具

八十一株梅株株霏玉屑虛堂受清芬扁榜為釣雪凡夫創草

篆麤牽體殊拙此榜正此書尚不至惡劣釣雪堂三字為明趙宦光篆其南

山有亭下瞰眾芳列梅未花時來嗅此百和蕤今年山雨多到處水鳴穴迎梅到送梅而月何曾歇青子落滿階山童棄不掇何當壓損枝屈此一丈鐵

五日紫陽山堂示表弟戴

嗣潘

兒子

初民

作用東坡端

午游真如韻

廿載賦遠游在家七端午慣看節物新久鑿別情苦今年客最豪從者六七數瓦尊泛菖蒲陶盤堆角黍卽此較得失已自判齊楚回頭顧子弟勸侑作好語人生饑可樂白石亦堪煮矧茲山水鄉我與爾所祖須鼓氣食牛莫畫不成虎醺然出門步萬山青齟齬

胡生

成渡

將讀書黃山貽詩一帙用東坡與胡祠部游

法華山韻題之

壹齋集卷八

四

論詩毋立唐宋界風雅一源分萬派東坡前事真吾師每見佳文但稱快長江大河豈擇舟舡艫舳舻共驚湃文惟其是辭已出區區規仿毋乃隘胡君貽我詩一編五字長城堅不壞卻離文字妙語言不事鋪揚炫光怪平生解笑郝隆夸腹有詩書安用曬假如李杜千萬篇自有琳瑯燦金甃漸予塗抹徧東西白戰常憂手無械讀君佳句輒撫掌大勝麻姑爪搔亦蓮花天半癡難登白鶴雲中羽誰鍛封還詩卷行自歌幾時償爾黃山債

生有黃山之約

胡城東

唐

曾癡與李長吉賦游仙詩三十首覺而圖之

屬題

乾紅咽露秋燈寒吟魂上上瓊樓難王孫哦詩口相授八百四十珠走盤我願化身作青鳳載取錦囊管迎送海風雞唱曉瓏

璵可惜一生惟一癯書春白晝閒花開幻想蜃氣成樓臺縹緲
緘愁粉蠹死仙人一笑朱顏回請君急寫游仙曲小字蠶眠琢
瑤玉更搗珊瑚紅到骨印取人間千萬幅

胡梅
篆刻

柬子安

積雨深山夏亦寒一編昏曉對窗攤自知鶴性馴宜野爭奈蛙
鳴勸在官愁臥有時同沈約閒居無事憶潘安隔溪五里山城
近肩輿來謀竟日歡

送子安空桐入城雷電交作

分手南山暮靄遮山根線路走修蛇驀驚字輓雷鳴屋姑緩須
臾客到家心逐青羸蹶蹶眼看白雨點交加阿香頗解從人
意故故詢較漫送車

三更大雨次前韻寄子安空桐

壹齋集卷八

五

顛風獵獵幕難遮電製金光萬丈蛇早識三更方大注悔教二
客急還家雷因山隔聲中斷雨爲宵深勢轉加明日西千應斷
渡何人來理釣魚車

張生

節

畢生

璋

以詩見贈賦答

一杯苦茗一厨書消受深山六月居休詫爭鳴先二子須憐同
隊久爲魚中秋以後燈堪近兩漢而還讀有餘卻惜近游吾已
倦黃花紫蠟勸歸興

發雲谷寺望仙掌峯

屈指計勝游我心蘊奇痒陵晨發雲谷巒壑門萬象老僧指高
峯云此卽仙掌稍稍見將指先奇後乃兩須臾其數五巨靈烏
足仿得母帝軒轅張樂百靈享豆山瀛四尊酣醉臂爲攘拇戰
角卑尊一喝眾山響開襟對西風拍手入蒼莽

天柱峯絕壁見驚猿巖作

未至平天石天柱石逆落仰首見羣猿子母戲相攫遇人了無
畏負險意殊樂擔夫忽羣譁爆竹震巖壑奔騰互驚竄坑谷且
前卻最後兩青猿厥大與人若一猿顧且唬似怒作劇惡一猿
負子行綏綏出叢薄子仰承其腹四足束如縛依稀豕彭亨腹
脹墜沒卻我思猿性貪絕壁足能托惟黍稷菽麥恣其所大嚼
恒欺山農孤背目看跳躍傳聞有獼狌二字字青未見遇冬事大索往
往取其肥見執不敢搏羣猿亦先知自擲令瘦弱嗚呼貪夫心
譬此堪一噓下策用火攻莫怪阿奴虐

文殊臺看雲海

自從吉貝入中國佛土失卻兜羅綿那知拋棄向黃海衣被坑
谷羞論錢我昨天殊院投宿苦霧不辨天都顛三更大雨閉戶

壹齋集卷八

六

坐黑虎夜守山門前老僧寢興作好語喜見銀海摩青天披衣
急起臺上立炫眼積雪寒無邊寄牋風伯休放顛天下寒土方
無羶香山萬里裘倘得我豈惜此跣趺穿

獅林三異 并引

黃山僧廣度獨居獅子林廿八年矣叩所見聞有三異

逆其語作詩

老僧初來時山鬼欺我獨庵門深夜關往往聞剝啄半生住城
市此聲耳根熟披衣急開門惟聽松謾謾連呼始大悟身在萬
山腹山靈鬼亦仙善戲不善哭又嘗大雪夜跡印弓鞵蹙其淺
不及分似御風行遠於今二十年厯厯猶在目

月華千萬重貼天散光彩世人驚見之亦自心目駭那知萬山
中詭異不可解乾隆乙亥歲與客往後海是夜正中秋蟾魄明

百倍忽如琉璃柱屹立撐碧澗五色相昭宣及地光不改方其
華下垂月如霜雪催龍挂雪模糊飲澗虹畧等形容拙言辭咄
咄歎真宰

雪封萬山徑此事歲有之未若往者奇埋卻林中獅山門三日
閉僵死誰能知甕中幸有糧穴雪爲朝炊火寒飯不熟竟爾成
淖糜惟愁木佛薪甯畏吾身饑此時羨山鬼尙得驂文狸

發雲谷下院別胡生

成俊

吳生

鳴鳳

龍峯有二士讀書恐人知入山業已深徑復紆迴之昨朝來黃
山導我山之陔因緣入古刹信宿吟新詩人生重會合歌嘯况
在茲依依出山雲似停還似移我歸會有期期爾重陽時

九日讀同年韓明府

廷秀

見題黃山游記詩次韻奉酬

箬笠在肩筇在手眼中峯巒皆我有探奇絕險抵死游試問山

壹齋集卷八

七

靈記誰某我游黃海僅一句歸臥紫陽已重九漫誇腰腳鬥猿
狻驕視屣屨若部莫喜逢佳節際清明行玩蒼松枝蝸膠一紙
長歌急遞來雙魚尺素不須剖韻穩於山意不平筆銳可耕誰
與耦老莊告退山水滋此體共推康樂首虛摹靈異盡物狀我
謂昌黎亦巨拇南山若借詠黃山萬象包融捐淨垢紛紛苦語
自荆棘往往手足爲械杻我初發意不作詩爲其無用而堪培
聊疏靈跡代語言乃辱讚嘆不容口叢菊方開故國花秋風早
拂西千柳家山久遲不歸來一髮青青君憶不歸艘方便如可
偕何以載之有繫繫玖鐵所製墨名

題梅石居

繆

次第春風圖

圖取元呂仲實詩意

春言蠶冬言終日月四序環無窮東風谷北風涼寒暄遞謝歲
有常駒隙蟻磨何太忙人處其中老且蒼我觀此圖三嘆息一

名蹉跎年四十樂天知命故不憂卓哉梅仙不可及鍾山之陰
有草堂猩紅鸚綠春風香塵容俗狀走且僵中有金石聲琅琅
有時隸古波磔勁不知有漢况魏晉法書名畫精鹽藏下逮泉
刀泉摹印浪游我昨來黃海不見梅仙又五載大觀宇宙祕未
能剩有收藏鈐印在所藏宇宙大觀冊自右丞至雲林凡廿四幅曹齊原司農以千金購去解后
郎君一問訊自笑秋霜生兩鬢開緘發冊要題詩枯腸欲攬黃
河潤眼前侂儻汗血駒萬里頃刻排天衢于公陰德必有後里
門况久容高車風雲益益春風酣早厨底用拋青衫試開寒木
春華館名君齋常是人間三月三

游仁義院觀吳仲道鄭千里畫壁

去年來游坐梅雨時鞦一足行頗苦已聞古寺壁畫好促歸未
得升堂觀今年來游喜久晴邨邨布穀催春耕川原絕似郭熙

壹齋集卷八

八

筆人物可入桃源行東風吹雲日欲暮沙淨無泥輒可步松下
茅庵徑徑通竹陰經閣窗窗露入門梅竹兩壁立吳隆題字墨
猶濕若將花葉較新鮮墨君瀟灑尤難及殿脚遙窺佛無量廿
四圓光種種相殿壁畫大士二十四相仙梵潮音靜欲聞蝸涎蟲網潛來

障我向山僧徵畫史鄭姓重名字千里頡頏時有丁雲鵬規矩
遠師吳道子浪游山寺徧吳會輒見鄭君有圖繪淨慈大士像

莊巖報恩諸天筆雄快杭州淨慈寺方丈懸千里所畫大士像大報恩寺殿壁天尊長丈餘有須數十莖極莊嚴之致江南相傳亦千里筆也僧言前者修山門百計乃得兩堵存撤將

屋瓦夾巨版寒花翠竹無纖痕諸佛天人合供養未許淫霖泣
龍象只愁妙畫自通靈達摩欲面空相向我聞此語笑貪癡普
門開元妙一時世無東坡誰訪之此壁此畫空爾爲

石濤摹仇英百美爭豔圖

圖高四尺一寸長三丈三寸尺絹本康熙丁丑石濤爲輔國

秦宮六國充美人漢庭三千修蛾顰關雎后妃只一德化被江
漢流千春世人好色不好德慣規花面塗櫻唇荒唐素女謗黃
帝減損絕色汙昭君環肥燕瘦門百態細腰高髻徒紛紜二周
士女世少見仇英贗本多於真石濤盤礴向有士夫氣乃亦斌
媚爲傳神絹高五尺長四丈一機所織非縫紉昔聞崔白大圖
僅三丈今茲所過奚止尺寸論請言圖所有百豔迎朝暎温幃
密帳天未曙裝樓四面烘晴雪桃花頰面金蓮盆圓冰手弄流
濕銀阿誰作劇陵清晨秋千珠索嬌且嘖紫鴛鴦蹴浪錦水鱗石
闌拍手如可聞琉璃蓋瓦橋珠珉十五五豔絕倫彈絲吹竹
臨芳津翩然水上疑阿甄芳蘭欲妬芙蓉噴翠巾錦帔香温麝
最後端坐若妃嬪五色雉尾雲中分階下一人舞錦茵嘈嘈仙

壹齋集卷八

九

樂數十羣其餘景物摹寫尙瑣瑣約畧記之難具陳自言目見
實甫作摹之三載何逡巡作爲無益耗日月將軍好土空殷勤
我聞古來圖畫示勸戒玩物喪志書所云奈何一匹好宮絹不
圖列女圖紅帶嗚呼不圖列女圖紅帶不觀武元以後漸淫費
蛾眉見嫉幽長門

試太函山茶

有客饋我太函茶云此品出松蘿上每年采摘苦不多分送交
游僅銖兩呼僮急汲山北泉松枝活火微生煙香清色白味果
勝破我孤悶神悠然啜茶就坐重語客天下雲腴嘗未得始從
皖歛論所產試爲諸茶定標格涇縣涂尖亞龍井六安大葉羞
蒙頂凡生山顛號雲霧和州蒼山亦有樹昔年偕客盡一壺合
送黃山呼作奴黃山佳種不可數我愛龍峯有翠羽翠羽之品

復何許可與茲茶相爾汝

題程廣文

瑤田

讓堂話別圖

廣文先生道果尊學官弟子情自親奈何寂寂守齋舍朝餐莫
鹽憂子孫易疇先生官膠城科條教約何諄真大書深刻白鹿
訓登讓堂者咸彬彬食我桑甚懷好音變而之善鳩不鷹百五
年來文教興此邦士夫交相稱三年政成揮手去父老攀留情
語絮酒酣弟子請爲圖松竹蕭疏有天趣歸來示我亦政錄哀
教條及往來推而行之天下足卻笑昌黎但解嘲未免沾沾集
文移成此微祿經師易得人師難何況相兼又在官挽來推去知多少莫
作尋常送別看

答涇趙台崖

良齋

琴溪趙台崖相慕不相識我昨游黃山往往見筆墨一僧贈一

壹齋集卷八

十

詩詞不尙雕飾從知游稿多惜未見所刻山齋新雨晴有僧來
得得惠我聚頭扇道君頗相憶披拂春風和詩畫皆妙極詩以
詠余畫畫以寫君臆相隔山萬重何由到君側

僧言涇之郊有地名考阮茅庵二里近中有君吟聲居士歸蕪
湖必自庵門行相見是不難況有茶可烹我歸約秋初君時歌
鹿鳴道途恐相左不得快合并勞人雖艸艸求反殊嚶嚶作詩
付山僧用達區區誠

贈僧古巖

六澗雖小道氣韻根詩書殫精數十年然後成士夫往見浮屠
流用筆多乾枯聊數一二輩可以例其餘漸江太荒寒清湘多
麤疏石谿差有法筆墨稍模糊數公會冠巾尙爲習所汙况止
噉蔬筍安能味膏腴有僧涇縣來見自梅聖俞宣城梅抱孫冲
過考阮識之因

導游

因言善詩畫先出手所摹發冊頗清潤不類深山耀專掃
香光門合與珂雪俱惜哉無董公誰為揚聲譽我前更致詞此
技非區區多師識派別精鑿去廓郭參以禪悟法擴以游懷撫
庶幾見巨然松龕並跣跌

畫抱甕園圖次茶根香聯句韻寄呈中丞夫子

行園燕山亭種菊曜畦菜追圖冬已開昔游秋未肯風晴鵲植
植霜豔花菱菱把筆陪尊師枯吟啞我輩名園自昔佳雅集屬
誰續其東做堂皇以時厲矛鏃東為內教場以時習武綠垣水循環園橋
柳凝黛蕪葵佐清齋拔籬悟默對三年園未窺九日飲凡再夫
子循循然三爵油油退因緣話昔從歲月不我貸操杖謹步趨
隨地了絳礙徵材惜茅菅選樂列任昧微如昌本菹竟荷麋鸞
配居然從宦歸不啻以貧廢身已入江湖寢久絕鼎鼐即令履

壹齋集卷八

上

或穿敢忘笠曾戴紫陽越山谿詩書費捆載幸也容黠狂勇哉
恃子在偷歌劣能聲貧舞不成態山水悅性情酸鹹沁脾肺季
女苟無饑牧犢甯必妃春風舒絳帷秋露滋碧溼采無葑菲遺
論等瓊琚佩三旬歌慨慷四子年亞逮時黃依宜洙凌仲子延
堪張子白若采三同年
皆來使院講德讓浮游推誠示如晦惟余心膽麤見畫骨髓愛虛構
兒山池即小視河岱寸雲四海垂尺水百川漑願施無量功普
濟六合內移時屬輜軒隨風拾瓊琲勉寄無聲詩聊作臥游代

鳴兒留郡試書以示之

昔赴童子試僦居僅容趾是冬寒氣甚庭樹枯欲死棲烏雪滿
巢終夜叫不已往往聒寢擁被吹燈起及今一追憶二十五
年矣汝今隨兩僕出入足驅使房緝費萬錢寬可布筵几米茗
給於家相送六十里况多父執在請業僅尺咫即令青子矜未

必喜折齒倘再荒所業何異紈袴子詞華乃枝葉經書是根柢
譬如萬里行須從足下始寂寥憶舊游聊書以寄爾

壹齋集卷八

七

壹齋集卷九

當塗 黃 鉞 左田

古今體詩四十八首

癸丑甲寅

癸丑三月至紫陽山堂

疑雨疑晴日幾回
林花落盡砌生苔
人同梁燕經春到
事類山僧放戒來
山僧主戒壇亦謂之掌教
亦有素心堪與共
劇憐笑口幾曾開
呼童且勵山前地
徧種秋花待舉杯

古城巖觀魚視任生

廷堅

侏儒飽死臣朔饑
世事顛倒誰是非
新安江清魚絕稀
古城巖下多且肥
松蘿山高烟樹碧
巖上雲歸日將夕
友生導我來觀魚
策策堂堂輒千百
大魚跳波作人立
小魚退游溪水急
忽聞投食水波黑
魚首負魚頭戢戢
可憐羣魚為餌死
盤針擘粒區

壹齋集卷九

區耳那知買餌不計錢

釣罩不到狂欲仙

官為設禁捕者杖之游人以餌投食則千

百來聚溪瀨有業餌以活者
更聞山根空且窪
有石如印魚所家
不隨梅雨入蛟穴
嬾趁東風逐落花
魚乎魚乎樂無似
笑殺韓侯釣温水
回頭更問任公子
會稽之樂何如此

夜坐示任氏兄弟

邨居不省縣樓更
飲罷猶張八尺檠
夜雨直如潮有信
眼花畧似月初明
時眼疾初愈
羨君兄弟聯牀樂
感我交游四海情
何日扁舟載家具
傍溪也結屋三楹

登古城巖觀兌卦石調汪王廟

上上古城巖巖石
何碑硯間然雙門
開奩如兩觀闢其
傍倚片石半若刀
所割上有波磔痕
歲久苔蘚沒任君
為指點宋令昔
剗副隸書兌卦文
摩挲費爬掇
宋紹熙癸丑邑令鄒補之勸農至此刻兌卦於石今下半沒人

田相傳厭火災不使兌澤竭我思兌爲悅先民民不悖又象爲
正秋毀折義相發合當勸農至用此爲表揚厭勝理未然民勸
意或曰少進崖中橫隊長頂復凸有石橫空而互長三四丈土人呼爲鷲公石昂然
引吭鳴似欲舉尾趕遶巡出其下一何太傲兀深恐壓頂顛豈
暇具袍笏想當疏鑿前王尙未國越英雄此割據山崖更艱飢
茲來瞻廟貌偶趁山雨歇嘆息唐宋來又歷幾顛蹶四海歌樂
康萬井急耕堡何時結山茨與客蔭清樾樂土誠可家終焉絕
請謁作詩代題名癸丑歲三月同游汪胡任照汪籀軒得充胡雪眉成波虹嶼成
洪休甯任自堂元基小谷廷堅書者黃名鑑

舟發古城巖下次雪眉高公橋韻

不須八尺布帆斜蘆鳥舟輕貼淺沙新水怒平千澗雨綠楊晴
糝一溪花驚心入夏衾猶絮屈指頻年服已沙卻羨雲鬢舒翠

壹齋集卷九

袖杜鵑聲裏摘園茶松蘿住者爲園茶

觀任元基所藏書畫作歌

劉侯愛畫入骨髓初疑杜老妄語耳二十年來事渲染非得其
者喻其理頗聞任君升龍圖董北苑本目尙未見意先擬卽令贖本

亦復佳姑妄言之姑妄喜昨從紫陽來桑原升堂一揖遽索此
規摹畧具筆墨非觀者盡知其僞矣因出所藏帖數篋古墨古

香溢古紙就中宋人寫佛經字與黃庭樂毅似平生所見及此
五過眼雲烟畧堪紀李文貞贈梅徵君勿庵得之宋版初學紀鑒

者多云出唐人鍾紹京輩差可比唐君須真天子經同里唐二君英

三千言盡完美蕪湖徐君近有卷跋語出自王太史卷爲纏樓太史割贈

某公奈何流落俗人手美玉幾乎因誰抵惟有京師讀書樓不
知畢竟歸誰氏君家此本更謹嚴足與四者相角掎昔人評書

貴真蹟謂得用筆所緣起有如近前看八姨不是畫圖悅西子
綏山桃得一足豪合燕名香供瑤几葉公真龍乃足好吾於此
冊無藏否齊雲百里游未遂一兩三日勢不已將毋妙畫實通
靈更請重觀姑舍是

游齊雲珍珠簾巖下作

建木晝無景跌蕩開天閭珍珠一萬斛雜綴縣堂皇排扉急逃
雨灑頂醜翻涼天風乍飄散餘綠猶霑裳表回一瞻顧如入魯
靈光周環結四阿叫窳藏深房萬楹絕枝挂磊砢相扶將春燕
空其巢秋瓜剗其瓢垂檐霑終古不辨雨與暘惟茲及黃山儀
秦相披猖一縱復一橫勢不爲低昂此如疊雲錦彼如森劍鋸
造物羞雷同山靈乃荒唐所以誇海嶽兩兩遙相望

題汪三表兄_瑤采藥圖

壹齋集卷九

三

與君爲弟兄朋戲憶疇昔君家有園亭及秋柿實赤我時六七
歲最爲姑母惜采摘動盈筐苦澆旋拋擲爾時君有仲_{謂象坤兄}髮
已勝巾幘跳盪同隊中恒苦惡作劇執荻而編荆往往當矛戟
嬌憨或不平分陳以相刺惟君稍柔善坐臥共牀席壽骨本自
同英姿愧連璧那知各長成面輒數年隔君仲已古人我亦長
安客一去三十年彼此鬢俱白昨者以病歸閒一造其宅示我
采藥圖位置在松石紫芝秀煌煌白雲升圍圍還丹成何時使
我顏色易兩家桑變滄百年駒過隙感嘆觸兒時俯仰皆陳迹
題詩記舊游事若在朝夕

癸丑九日偕蕭春園汪杏川葛冬邨馬千之王子卿家
兄補之泛舟游荆山尋歐陽圭齋所題寒壁

明簪快合并登臨愜幽好山靈意良厚九日晴應禱擊舟溯長

河秋水闊容漕雖無夾岸花尚有柳陰幃隻候未遽迎雙槩已
先造舍舟徑登山飛鳥爲前導秋熱頭尙科不怕風吹帽
山僻徑亦荒招提藏石罅最後倚嵌空因巖广半架野人昧像
教物怪恣變化牛鬼雜蛇神剜鑿吁可怕僕詫游境奇僧怪客
來仁飲我茶一杯意態頗不暇從容問寒壁指點夕陽下距庵
五里遙歸舟恐及夜

出門更登山磴确不可步始信深雍韉遠媿青芒屨蹒跚盡其
顛湖波熨繪素悔未泛其中惜爲舟子誤循塗下雲根墮於蒼
耳屢幾回退轉心半爲同游住

行行傍湖壩石與牛羊亂野老爲聚觀邨犬騁雄悍頗怪此水
鄉何來幾風漢面壁壁無言安用交口讚殷勤指摩厓波磔已
漫漶人生等浮雲微風卽吹散後會知誰健良時不可玩不見

歐陽公名與石同爛

壹齋集卷九

四

表回竟歸舟河干已落日病餘腰腳輒漸欲親柳粟是游須爲
圖端賴右丞筆謂子卿題詩繼竹林作者數亦七風月倏催人送
我歸壺室閉目更臥游勿令清景失

西郊尋菊

今年菊花晚秋盡始一榮譬徵古隱君敦迫不肯行清晨出西
郊微雨湖山晴鮮鮮燦籬落使我雙眼明欹斜有餘致何用採
其生花兒匠多以鐵絲矯揉其性不聞陶彭澤束帶乃歸耕

菜肥花自瘦清俗難強同共此半畝園豈斬一概功畧如管華
交割席不與通小兒強解事陋此花不豐那知賣菜翁雜送朱
門中菜肥登君盤不過口腹充花瘦入君座照耀秋宇空

送子卿司訓懷甯

牆頭濁酒宵過甕，袴腳嬌兒日捧書。若兩兒就祭竈知非孫寶志，卜鄰空傍杜陵居。三年京國疲驢跨，十月江流落漲初。誰遣恩恩又辭去，皖公山下重愁余。

題陳一章別駕寒樵圖

吹蠟然糠一例同，黃梁熟後總無功。笑他白鶴峯頭客，朝乞南風暮北風。

廿載紅塵悟夙因，披圖常記本來身。肩頰指禿知何恤，不作登枝捐本人。

甲寅二月往紫陽涇縣道中作

茅屋炊烟日已斜，肩輿又宿此山家。寢餘恍惚燕齊道，鈴鐸空籠促上車。

桃花含蕊否花開，小憩茶亭飲一杯。莫詫兒童盡相識，辛壬癸

壹齋集卷九

五

甲四年來

徐熙花鳥米顛山處處歸雲墨未乾，不是恩恩催上道。春陰若箇出門看。

次韻雪眉索畫雲山

六法筆八法作畫如作書，當其下筆快能令風雨俱自從。王洽出潑墨能成圖，譬彼藐姑射冰雪為肌膚。千年渺真本摹寫，譌春菟乃知筆墨妙。一一歸空虛爾來八百年，眾史紛馳驅。二米悟其全房山得其餘，後閒有作者何啻龍與豬。伊余少好弄牆壁，遭雅塗所見日益多。下筆畏且吁，深恐少生氣厭厭。若曹蜍雪眉善詞賦，雄文似相如。學山已至山，何必升彼墟。塗成聊卷去，用作寒窗黏。

爲江堅甫玉畫行看子因題

雁宕不可登天都不可住篷萊縹緲畫不得只有建康山色好
無數富春子久之所家眼前供養惟烟霞海嶽庵中尋米老雲
山當門皆畫稿我行幾欲半天下峻嶺崇山吁可怕險艱備歷
得佳境先攬難償後來蔗青山白紵吾舊游林泉端遜樓霞幽
一松一石盡奇筆中有六朝人欲出當時曾共同游話此是南
宗第一派行看坐翫足不勞可住可游復可畫米海嶽黃井西
結茅皆有巖可棲我獨何爲終日雙肩低攝山山中君家有故
蹊

謂梁江總

易不借爾歸來兮塗此聊作圖經攜

再至桑原小谷索畫因題其上

莫春風日氣清佳穀皺谿紋錦繡苔此是桑原去年路杜鵑聲
裏卻重來

鮮鯽谿清釣最難吳杭越酒勸加餐更移蠟燭風前翦要寫春
山雨後看

婦扛輿

并引

休甯之西有健婦能扛輿始或以老婦承輿丁之乏近
見有兩少婦肩一後生者俗不可不防其漸也爰作此
詩將以告之司是土者

婦輿婦扛情或可婦扛男輿理不安始猶一老近雙少兩足如
霜姿亦頗深山大澤何事無日莫歸來甯必果卽令瘠土民不
淫豈有同浴而不裸古者男女不相見出必蒙面道由左胡爲
招搖而過市竟與擔夫相爾我懋卿奢淫安足道突洩不救將
成火誰歟身爲赤縣令立呼伍伯加之鎖坐其父兄及其夫廉
恥之防不可墮

船磨 并引

歙東南瀕溪居人載磨於船碇急流中夾兩輪以運之
日得麪可數斛較架屋暹防法更簡易

雙輪夾船飛驚深下灘怒忽如荇藻縈萬轉卒不去篷堆茅再
重艙載磨一具篙艫無所施犂以碇其處巨軸橫貫中機牙巧
相互推撥刻不停盤旋齒如鋸團團未移時皚皚已積素技令
黔驢窮運謝木人助法本機確生述更巧者悟雨足淺瀨移湍
減深流據坐使餅餌香屬我婦子飫應笑庶下春何事岸上住

禽言四首

春去也不可留干卿何事嗝不休春去那可惜少年難再得今
年春去明年來松喬偓佺安在哉春去也卽子規鳥

賣瓦賣瓦歙爲富州爾聲胡爲者去年今年麥不熟長官開倉
糶倉穀爾嗝勿近南邨屋新安志鳥大小如鵲其聲嘶而不揚令人惡聞名曰賣瓦今山中四五

壹齋集卷九

七

間往往聞之

呱呱爾父好遠商爾母常羈孤常羈孤自食力昔顏天桃花今
作凍黎色爾父歸來爾不識猶作呱呱嗝未息新安志謂之喚姑大如鳩墨色

其音呱呱蓋鴉鴛類也

發科發科朝登白玉堂莫上金鑾坡人生願欲苦不足失意又
恨金不多金雖多腹笥少勸爾讀書須急早那有關節到包老

土人謂布穀爲發科發科以其聲近似也

楊都尉招飲東山

山勢若奔馬林陰可蔽牛肩輿來北郭勝景妙東甌地擁旗門
出堂開綠野秋都尉榜其堂爲聽秋館將軍殊好事巾拂亦風流

道原堂雨

山靜檐聲猛堂虛坐地廉渡溪雲漫樹迷雨鳥窺簾習嬾吟都

減陰寒衣再添喜無人跡至放浪亦何嫌
獨有山農困沙寒不可耕難勝三尺雨不耐一旬晴久客諳農
事逢人驗物情來朝溪水漲應有小鮮烹

四月望夜與吳孝廉

德照

同年巴

樹穀

江

玉

兩文學泛

舟揚之水

西干至漁梁繞郭五里曲僅從渡口游未縱波心矚孟嘉名父
子載我舟一斛買酒謫仙樓夜飲溪水綠雖無月流天不倩童
執燭了了見壺飡一一辨肴箴山影漾淪瀾谿光上牆屋屢驚
新徑更徐察舊游熟烏聊湧招提紫陽富林木流泉韻清瑤幽
花送餘馥眾嫌雲未開我覺月滿目不知夜何其漸覺肌生粟
尚有一點燈微茫出深竹維舟謝同游振策登陽麓

紫陽山惜下邳名

少高房山爲晝夜山幅

題畫

壹齋集卷九

八

西風木葉翦琉璃一色紅霞浸碧漪多少游人盡歸去我來領
取夕陽時

書燈

矮几鐙初炷長宵燄吐虹表回惟有月升降不因風散帙玉蟲
落窺缸黠鼠工頻挑油已涸親切記兒童

硯屏

硯北鐙繁暗爲屏曲尺遮浮光潭映月倒影鬢堆雅古製裁惟
石新銘刻以牙

巴孟嘉出新意以牙爲之刻銘其上光亦能鑒

燕書知不誤倦眼未昏

花

墨牀

磨罷墨猶濕橫陳幸有牀臥龍雙脊穩崇坳一圭康雕鏤文無

用浸淫質自香染蒼如得當近黑亦何妨

畫碟

燒藝宜白地分眇類青畦器任方圓作看無朱碧迷飭嫌膠牙
釘墨或注唇鑿莫遣歸王洽臨池定嬾檣

竹筆筒

雅製稱滿碧嘉名當管城參差如束筍密栒似攢竿閣厭蒲盧
長投看錦繡成策功君第一衛我筆縱橫

瓷水注

製笑蟾螭拙珍非柴汝窯就花承曉露吹浪過微颯水牛濡豪
黑冰因炙硯消萬言資點滴豈獨事歌謠

朱硯

注經憑點勘韓詩磨丹滴露費研摩石截鶯肪白書讐豕亥譌

注前經 壹齋集卷九

九

有時鄰墨汙積日受塵多臨水呼僮滌餘霞散綠波

鎮紙

賦質原金玉論形象瓊瑣一生惟靜鎮萬卷不飛揚畫省雪兒
拂書便風榭涼莫教閨豔覺取壓繡鴛鴦

印矩

欲用官私印誰能矩是踰方圖隨所抑傾正必相需合恐入生
綠文尤慎以朱平生姓名著賴爾不糊塗

黏斗

問訊山中客緘封急索難豫將黏貯斗用代蠟爲丸氣每變朝
夕功多補闕殘卻嫌中不淨洗濯沆清湍

葉元習

敬 索先墳心泉塢詩

聞道心泉塢居然永慕亭惟師祭仲法不讀景純經舊德賡家

學新詩代墓銘葉有詩自紀心泉鳩命名之意披圖鬱佳氣獵獵萬松青

題愛蓮圖

未發爲菡萏已發爲芙蓉薄根其實蓮一名不同自爾叶聲韻花實因相蒙濂溪著爲說亦是用所通特攄光霽懷不必訓詁工我爲進一解實較花多功青皮衷白子包裹何重重墜不畏冷露飄不隨秋風輕身而益氣食之顏如童卽此已足愛况復花開紅願君窺玉井一上太華峯名實究誰是大笑歸鴻濛

壹齋集卷十

當塗 黃鉞 左田

古今體詩六十四首

盡乙卯一年

乙卯正月四日拜先父母橫室

開歲忽四日日日風日清親知賀正畢感我風木情悽然出北
郭松檜環先塋七十雖古稀要亦非錢鏗不觀親串中耄耄猶
聰明彼何修而至我胡罪而嬰一去四十年不聞警欬聲攀枝
淚如雨驚起慈烏鳴

墳丁顧我語胡爲守硜硜不仕復不農令名將誰成東岡有吉
壤鬱鬱稱佳城主人頗善價不用金滿籛從容事井柳勸爾朝
上京郎官亦清要上應列宿明他年來焚黃何滅其生榮奈何
憂齷齪乃令饑寒并哀情究虛耳得毋忝所生低頭重慚媿汗
出顏爲頰

壹齋集卷十

不孝復何說饑驅仍遠征遠征欲何爲將以求友生我無二月
糧安能千里行決去且弗顧難與哢號爭况多向平累兒女皆
長成從宦苦才拙食力無田耕尙有賀年人祝我爲公卿那知
思自撾闔戶魂常驚

人日示

初民

時序飛騰過經書取次溫甯爲邨學究莫作稗沙門窗暝花當
眼宵寒火一盆燈前偕兩弟詩筆好同論

姑谿道中

斷橋禿柳兩三家橋未通流柳未芽根觸去年新嶺路一羣嘯
烏一叢花

逆風面面透孤篷緯挽篙撐強欲東安得船窗似王遠從人屈

曲作屏風

碧天如洗月磨鎌
小雨春寒暮轉嚴
何似谿翁閒負手
看人船過立茆檐

渡高淳湖次戊申韻

春晴湖水縮日薄
野烟昏屈曲穿漁
絕微茫畫水邨遙
思花滿屋尙記客
留髮寂寞成孤往
宵寒酒自温

戊申冬同子卿往浙會飲東壩魏明經楷寢香來書室

南渡述舊

昔者溪流涸歸歟
歲序闌阻冰還阻
雪盤壩先盤灘蹟
又磨驢踏耕猶駕
犢難八年凡五度
身世感無端

過平望憶與張愚溪阻冰於此

戶戶碓舂玉船船
網曬鉞湖產銀魚河冰如日昨
鬢雪感吾今車想

壹齋集卷十

二

渡淮北

愚溪方計借入都

人來續越吟輸他漁父樂
泛宅住湖心

吳江

縣近太湖尾人來二月初
曉收帆葉雨市有菜花魚
鱸魚初出謂之菜花魚
人饌渾如玉茲行不負渠
篷窗日無事攤飯不攤書

將至嘉興

柳綠猶遲問邨嬉尙近年
青紅種桑女欹側罽泥船
岸轉修碕曲橋沈半壁圓
連宵月如水幽寢已湖邊

寓居嘉興萬松堂就僧齋廚飯

門前千本桑屋後一渠水
繞屋竹槐榆松僅五株耳
未審數號萬名堂何自始
老僧導我入云距城十里
是非居士居榻冷窗無紙
我時剛卸帆暫此歇行李
鋪牀置羹飯箸下條中止
不辨整酸鹹翻思藜藿自
人生妄爲常晨晷而夜鯉
安穩處華屋恣

意腥刀几當食嘆再三昔者我過矣古佛笑欲言老饕賦休擬
萬松堂夜雪

向晚風飄瓦三更雪壓檐佛燈寒少礙窗紙破難黏灑急蒙頭
聽吟成信口占道人休便掃壑甕正須鹽

德清舟中

天目筒堪母淇澳烏程酒好子吳江醉眠不省到何處但見柔
枝鵲一雙

柔艣鷗鴉到處皆水門一直入城來恩恩忘卻將人問失探蔡
家池上梅

四面青山繞縣城爲尋餘不權船行分明一樣鬚眉見何必若
溪遜此清

王石谷畫

壹齋集卷十

三

清溪澗環趁茅屋羽扇幽人坐新綠曾船容與溪不流舍南舍
北花木稠風光可是常熟縣我眼未識虞山面岡巒窈窕將毋
同日氣雲光融一片屋後湖灘波怙怙中斷微流板橋接一條
白路直通邨邨圍桑樹桑葉繁想當買葉籬犬吠應有我儂來
應門人閒無地無好春但恨風月無閒人此人我媿此景真扁
舟昨與嘉湖親

蕭尺木仿劉松年雪景

修柯健聳枝上喬萬山積素風不饜臨溪有屋屋繞樹雪巖雲
棧紛周遭幽人袖手冷據案案鋪片紙吟且看幅巾枯坐太凌
兢誰人解送地爐炭一人氊笠杖而行如聞策策芒屨聲隔溪
籬犬定迎吠此時好句應吟成蕭君摹古得古趣身在黃山數
年住請看壑确澗中石何異蓮花峯下路千筆萬筆短筆皴千

樹萬樹梨花春卽劉松年本亦真蕭君蕭君何媿於古人

米友仁海嶽庵圖

卷藏沈陽吳明府甸華處吳官於歛出以示客

虎兒筆力能扛鼎吾家涪翁不我欺海嶽庵圖軸長丈昨於歛縣欣見之畫成自跋不滿意羊毛筆掃百餘字此筆此紙不宜畫與書此紙作畫意殊不自得也不知易筆易紙更有何妙致開卷雲水蒸浮浮諦觀不可以理求濃者令人若雨立淡者擢船欲深入江南江北雨正酣一椽忽露雲中庵得非此老筆與造化參安得胸中萬壑雲鬘鬘我見斯圖已三載雲山空濛常目在何時乘彼京口潮當頭蓋我一把茅真箇此身畫圖住不怕春江欲入戶

讀諸子感賦

朱儒問修人近天子愈我輒鮒呼莊周激江計殊左所靳升斗

壹齋集卷十

四

微所用泥沙夥貨惡棄於地時惟當其可常笑元桓嶠和戎王

愛惜到園果

豹毅失養異臧穀亡羊同平生差足樂誠不如孟公至人均成虧不較誰嗇豐譬如抱葉蟄枯死俱爲蟲一朝獨蛻蝶栩栩陵

秋風

持屋不用筐腐木難爲柱生材任重塗始美後必仆富貴若傳舍華陋隨所遇棧道而延樓誰復將之去所以郭林宗灑掃待後住

三蝨訟肥饒兩角爭蠻觸螿利蝨負趨夔憐蚊多足朝四猶朝三羣狙胡喜伏矢棘兩無差紀衛始交哭得失真雜蟲碌碌復碌碌

神人姑射山化人西極國增城高九重建木晷不昃華胥亦匪

遙拿西台之北神遊返自然不飲復不食嚙髓聞之笑我乃今也得

癡鹿而訟鹿畢竟何者真遺弓而得弓詎必系以人盜金志所欲竊鈇疑其鄰尹氏與役夫昔昔相主賓身外即浮雲誰為身內身

閏二月十五日夜

今夕是何夕寒食兼花朝枯吟忘良辰寂寞孤燈挑豈無邨釀貫亦有酒友招殷憂敗人意忽忽不自聊年時飲湖亭雜坐羣譏調百罰醉不辭扶歸輒中宵侵晨酒病作勃荷顛狸貓再游復再醉未肯求人饒十年賦止酒無物將愁澆桃花學人面楊柳矜舞腰丁香與海棠紫玉并紅綃嫣然顧我笑一一相招邀可憐夏仲統木石心搖搖洗我賞雨壺負我飲水瓢詰朝趁清

壹齋集卷十

明邨店春酷燒

清明日雪

夜雪蓋瓦溝朝雪焯竹筧俗以雪消為焯布被起廉隅兩足冷如跌那

復是清明前年冬亦鮮昨思買春游即雨約仍踐甯知變玉雲

狂吠詫粵犬開門走兒童帶絮柳枝翦桃花已斷紅霏霏誰又

遣諺云三月桃花雪又云清明斷雪閉置壺室中預學蠶作繭起攬御臘衣春

寒幸未典

椿芽

依桐隨柳葉舒纔莧紫藍紅色最佳入市每霑寒食雨滄菹不

讓冷淘槐谿童梯樹衣先禩僧舍齋厨筍或偕試下晶鹽留遺

遠碧羅容易午陰篔

刀魚

誰遣瓜刀擲水濱寒光霍霍發硯新看花買醉嘗鮮客貫柳攜
歸上家人清明上冢必具此魚偶與河豚同人市卻先石首餞殘春江賦鱖當
順時而往還爾雅翼謂皆以三月八月出今江飲而不食肥如
鄉鱖最先出石首則於四五月始自鎮江販至

憶小谷桑原

邨烟遙接萬安街畦樹園茶繞屋栽兩度來游三月暮六人合
坐一樽開雨餘山屐衝泥往日暝溪魚趁餌來好境分明難忘
卻何時與爾重低侗

馬千之家諸葛菜花

小草生何幸居然辱大名三春風露飽一徑紫霞明抽甲臺心
似吹香鼻觀清敷榮應有意知爲畫圖呈千之工設色

楊德卿敗荷野鳧

壹齋集卷十

六

三鳧踏波昂首顧一鳧叫羣飛且住顧者其一相並鳴一隱枯
叢身半露鳴者一復翅拍張似欲上迎飛者翔高荷大葉策策
乾葉上一枝蘆花殘蘆花飛雪葉半折尙有蓮房子如鐵風聲
鳧聲荷葉聲濺濺兼與寒波并我欲扁舟撐聽去虛堂風日正
清明

卽事

竹輪逢庵歇松陰卻扇遮閒拋女紅手來拜牡丹婦女有向花拜者
佛鼎三星火僧雛一盞茶門前驚蚊蝶趁爾暮還家

憶紫陽山堂兼懷同學諸子

我來無復舊書堂瓦竄饑饉雨壞牆逆數經營在荒落商量丹
蘄已重光書院經始於乾隆己巳歲辛亥來此始勸重葺扇門也學三場試獲雋常加
半月糧莫詫書聲連曉夜此閒元是鄭公鄉

鉤簾山翠撲孤衾，盥漱虛堂卽坐吟。已寫瓦當摹硯背，更題墨漫號松心。蠻牋披拂豪初落，熱客傳呼刺忽臨。強起穿鞞茶話久，綠楊門外午陰森。

石闌干外若榴東，看綠南山薺麥濃。穀雨撒秧晴吠蛤，松花糝粉午喧蜂。谿翁石鱖頻年送，園客山茶著意封。二物歲爲梁下漁人及大函山

汪君所饋飯罷一杯新月上，隔溪細數縣城鐘。

韋齋祠址古憑虛，韋齋祠改明紫陽觀憑虛閣爲之三面溪山列畫圖。與客提

壺歌夏屋從兒問，字笑春菟初民讀書祠中米囊子結飽頭箭。鼈蒜花

開玉手爐最好雨，來看墨戲自支竹。繳聽跳珠

問疾空山客，退遲時間小語惜。支離泥爐火，活朝稱藥棧。路雲

深夜請醫，虹嶼爲余請醫自歛至休終夜往返百餘里多謝諸君敬枯木由來此席

廢臬比土龍，芻狗吾何羨。第十難忘是舊知，此篇專敘癸丑病瘧時事

壹齋集卷十一 七

巴家賓至總如歸，又雇輿丁下翠微。渡水溪光濃入轎，開門竹

色翠當扉。與君兩世吟嘉樹，謂孟嘉孟嘉爲子安合子所居名古槐里邀我頻來畫

夕霏蟬藻閣中游，最熟萬山不隔瘴魂飛。

相思更有胡居士，成俊到處詩成足。張軍白嶽峯根聽夜雨，黃山

頂上欵朝雲。頡頏欲乞飛霞佩，瀟灑誰書白練裙。記石山堂壯

丹發長歌幾度步斜暉

五里山城不算遙，河西橋接紫陽橋。陰濃園有桃千樹，清激揚

之水一條黃鳥導人尋。十寺十寺在水西皆宋太平興國年造青鞵結伴試烏

聊辛壬癸甲從頭數，喫盡黃精紫蒨苗。

子卿攝六安州學正刺史檄推茶山中書來，詫爲韻事

作歌寄之

霍山山湧千蓮花，廣文先生來推茶。挾衣摺扇試初暎，梯田叫

徹官私蛙邛烟凝綠茶蒸焙無人來候先生車先生曰嘻此韻
事呵止從役羣毋譁正如文字要評駁細勘朱墨防舛差社前
雨前火前別其品曰豪曰鍼曰舌殊其芽計斤七百袋四百禮
主客司歲額六安州霍山縣進芽茶七百斤計
四百袋袋重一斤十二兩由安徽布政司解部手送小艸歸

皇家况今

聖人誠信被艸木茶戶揀擇思無邪拗枝大葉不敢以入貢敢

雜楛枳杞柳槐枇杷見爾雅翼先生回車茶事辨蒲萇切林禽山路聲

交加歸途定擬北苑詠龍舒水漲舟應划

采石耳歎並引

飲友人家盤中具石耳黃山產也因憶辛亥文殊院所

聞於山僧指問者感而作此詩

石耳生陰崖其屬老蘇爾品非芝栴珍狀亦濕輒鄙人間絕此

臺齋集卷十一

味未見負筵几前年游黃山有眾襍猿猴問之事何事天都采

石耳性命托長繩片木坐兩髀溪沉井墜囊飄揚絲繫蟾罡風

忽吹斷紙鳶落無底白骨爛不收新故鬼難紀山僧爲具言夜

月庵門倚天風送人語傾聽不可擬詰朝語宋人眾中一矣

始悟夜來魂聚此話鄉里我悲愚鬼愚生者何不已山田廣可

耕曷歸負厥未僧言此游民無可供役使利在盜山松株值耳

億秭負之趨異縣鸞爲盆玩美坐此砥刀蜜貪癡忘畏惹我願

乞文殊憐憫眾佛子掃除石耳松一洗蓮花蕊二峯名白骨雖不

生蒼崖庶少灰山僧讚合十我佛大歡喜

歛巖寺某氏募僧雪莊所畫黃山奇卉圖仿嘉興皆金

閣樣鏤木研箋巴孟嘉寄贈二函賦謝

鉤摹小畢山中卉仿研皆全閣樣箋波磔動憐雲葉駝音圖留

補鄂州編雪莊畫本吾親見巖寺誰家近始鐫多謝分從起
剝龍須冰翼盡應捐

崇仙院芍藥

三月已破花事闌為尋芍藥崇仙院沿隄水學雄鴨頭當戶花
呈菩薩面紅薔相倚若相矜竝作新妝愈輕倩其南五架堂盡
開向北一叢紅更舊城中蠶豆莢下市稍頭繭栗春猶戀未放
先教張幔看早開姑讓臨門眩咫尺花休門白紅蹉跎我久離
鄉縣豐臺曉翦千萬枝斜街賣比櫻桃賤幾几筠簾水插瓶翠
莖素蕊香侵硯京師白者花大而香別更番日換八九枝未要青錢三十
片一自山居眼多福花從桃李還看棟牡丹學舍樹高人躑躅
琶唐山欲徧徽州府學苑舍有牡丹一叢高可丈餘歲開淡紅花數百朵琶塘在邑之西鄉山杜鵑花奇盛淡紫未讓渠四載此花卻命見今年閉戶春風過無人傾榼湖
亭餞婪尾杯澆婪尾春江鄉人共江鄉讌空令好事屬園丁幾
費東風動微扇宋莫花應解笑人干卿何事憑闌羨南花北蕊
重品評二十年來游不倦

壹齋集卷十一

九

明宣德蟋蟀盆歌

陳君招我飲示我宣德蟋蟀盆盆高五寸徑圓尺有二中有三
百餘載無數秋蟲魂益益身刻以花梅枝梅萼橫復斜翻益
得印印宣德底夾一層中函沙頗如人家聽事古甌登又類棋
文舊錦五色紋欵邪一蟲至微供養乃如此何怪燒香之爐滲
金而蠟茶摩挲細若女兒膚我欲搗碎為茶壺坐使龔春時彬
稱後輩看取蟹眼魚眼大小跳明珠似聞苔砌將軍語自此可
無戰鬥苦俗呼蟋蟀健者為將軍

追哭葛冬邨

應遲

冬邨歿七月未嘗以詩哭遲遲哀未忘幾回稿在腹驚心孟夏
臨已及墓艸宿粗敘平生交犯禮一追錄憶初至君家東偏猶
未屋佳兒坐學堂賢甥爲教讀謂子踰年結構成請我名所築
榻之曰冬邨別號因以屬那知題明旌卽於爾時囑

我年三十九南北已九試 制科兩乙等九品行爲吏戊申舉

於鄉庚戌進士第蒙 恩授戶部病歸才半歲當我屢失意勸
慰雜嗟異及我以假歸歡喜欲無寐旁人笑謂君此何與君事
君曰吾友耳況復久憔悴我狂人頗憎乃竝君亦忌傷哉垂歎
時猶詢入都計

甲寅冬十月四日我贅婿君時運租歸爲我籌且計怪我酒食
豐稱是後難繼我時易其言頗以君爲戲至日君病歸不復就
客位眾方意逃酒豈料永不至薄暮人傳言君語時若嚙君體

壹齋集卷十

十

素豐肥小疾勿復異初八走看君尙欲邀君醉初九病忽沈自
屬身後事初十日方西君已溢然逝愴愴傷中懷淚落不能制
薄祭非薄君君言不敢棄

我聞君疾篤未審何藥裹急奔至君家救病如救火或云參附
當或云柴葛左相持未肯下議論殊瑣瑣心知庸醫庸我亦難
信我決然棄之歸徘徊正無邪忽傳凶耗至身如萬仞墮徐徐
靜思之此是何因果斯人而竟歿可歿世亦頗

君歿我在家小立隨我兄非鳴亦非鴉夏然屋山鳴君鄰陶家

奴是時方出城由君覲面過見君若平生歸聞隔屋哭詫聞驚

悸并我書堂之西貯酒方滿嚙君生戲相謂一半爲君傾挑燈

中夜坐忽聞彈指聲君乎本善謔仙去猶閒情旣以聲相辭復

令奴眼明麴蘖乃所嗜藉以堅前盟開尊哭奠之心已許徐卿

但恐地下魂悽然難引統

君喪我來弔弔者無不哭謂君直古人不獨友誼篤見倒便思
扶真意勝骨肉中道失斯人天乎何太酷我爲計君生不可謂
無祿四十已抱孫三閒有花竹手種雙梧桐高已及檐屋魂兮
倘歸來生意猶滿目竝欲傲陶公在世飲酒足惟餘平生交車
過痛在腹感君遇我厚悲君別我促傷心對君孤相見呼我叔
君靈定有知我詩不堪讀

自題墨花六言八首

處處架犁驅犢聲聲割麥插禾夕陽影裏一色芳艸叢中幾窠
萱

莊生寢中說寢望帝魂外游魂六書象形會意墨池舊樣新翻

蝴蝶花

杜鵑花

壹齋集卷十

十一

鮮苞粉頰微醉大葉瓜皮正青午後雲頭雨過風來簾腳花馨
秋海棠

種桃必種萬樹看花須看一山此景去年曾見武陵原在人閒
桃花

五德仍具五色九月宜開九花莫謂朱冠易致卻愁傲骨難加
雞冠菊

葉衢肖蒼龍爪花側如黃金杯秋病相如正渴玉露休教潑灰
秋葵

豐臺十里五里揚州千花萬花只要膽瓶三朵便覺春留滿家
芍藥

真白賦中仿佛西湖寢裏馨香不須枝送五十亦自情移瀟湘
水仙

題指頭畫鍾馗圖

歲除獻鍾馗見於五代史姁顛龔開貌髯君必兼寫妹子古惟
歲除今端午又雜畫與羣鬼伍紛紛變相太醜魏暉之殺之亦
何苦畫鬼魁易狗馬難此語我聞公子韓淮南子齊俗訓韓子
問之日高注韓子韓
非公子後來東坡跋吳畫謂亦要以人理相參看君即進士不得
進遷怒於鬼理非順世上豈無得第人門前冷落誰相問我今
此圖出於指頭作仰面手承蝙蝠落二鬼便旋衣帶閒為公助
舞媚公樂墨鬼翻新又一奇何須考據辨終葵未能免俗聊復
爾姑妄言之矣聽之

蕭尺木蠹螿鍾馗圖

髯君眾鬼雄巨膽百不恐奈何么磨蟲一螿喪厥勇踞石右脚
赤負痛兩手擁從容故示假意為鬼所啐一鬼脫其鞞滾鞞黑

壹齋集卷十

七

如桶倒傾蠹在地翹翹尾傘聳之蟲開元初過江由傷醉與髯
恰同時遺醜曷秦隴將羞主簿筒而逃進士襪不然過滿百致
蠹鬼愆憑雞乎誰呼來弼弼朱冠竦乃知暗傷人禍亦不旋踵
一鬼笑在旁咋指意畏悚醜醜隱有聲縮縮欲藏冢其左植枯
梅挂劔燦鞞鞞梢頭鬼倒懸飛落類烏礮主人方忍痛眾鬼乃
矜寵馭朽幽亦明稍縱駕即躔公然事挪揄對面為跳踴博稽
鍾馗圖變相示種種中山夜出游嫁妹車親射寒林與雪陂位
置權輿董源野溷逐豪豬似太褻荒茸蕭君劫新意諸笑腹堪
捧歌詞引傳奇牽牽惜疏冗區區兒女私豈足為輕重自跋引
徐文長
湯若士傳奇以况嘆息古今來玉質碎珪拱朝才入萋菲莫已
髯君比儼殊不倫

送子卿省試

駢桔萃蠱尾毒至微不過足為鍾似聞髯曰然君言吾其奉

又見槐花滿地黃送君猶記昔聯牀長干塔下僧寮雨臥聽鈴
聲劬禿當

壹齋集卷十

十三

